


成案質疑

宮衛  
軍政一


卷  
十三  
四之一



九	二	四	六	漢書門
七	五	五	八	
冊	架	函	號	類

庫文閣內		
九	二	四
七	五	八
冊	架	函
號	類	漢書

內閣文庫		
番號	漢	9248
冊數	75 (21)	
函號	296	100



成案質疑

宮衛


直行御道

禁城內抹膝

衝突儀仗

拜祝

萬壽時喊訴照衝突儀仗例治罪  
旗下家人途遇大臣不行迴避



武林洪弘緒舉出市

繡谷饒

瀚致夫甫

同輯



成案質疑

三宮衛

或案質疑

武林洪引緒臯山甫

同輯

繡谷饒

瀚敦夫甫

宮衛

直行御道

禁城內抹脖

康熙三十五年三月刑部題正黃旗花色所管披用查爾素供派我  
臺棹子我吃燒酒醉了去遲怕責打在

西華門內餽餽房拿所帶小刀自行抹脖是實等語查爾素應枷號兩  
個月鞭一百奉

音依議

衝突儀仗

拜祝

萬壽時喊訢照衝突儀仗例治罪

雍正八年七月刑部議覆署廣撫傅 題查三水縣梁堯君因賭致  
妻林氏投河身死一案恨族叔梁中立責罵遂思圖詐具控復約梁  
孔尊等至省乘各官拜祝

萬壽之期假扮兵役混入喊訢擬軍杖枷責具題應如所題梁堯君圖詐  
控訢梁孔尊林廷文教唆作狀均照衝突儀仗例僉妻發邊衛充軍  
至配所折責四十板同賭之梁振君等照賭博例枷責奉

旨依議

旗下家人途遇大臣不行迴避

雍正七年四月刑部議得福撫常 差家人張二賚招進京至建寧  
 地方遇提督石 經過張二毫無迴避衝道而過一案查雍正五年  
 定例漢人奴僕不遵約束傲慢頑抗死酒生事者照滿洲家人吃酒  
 行兇例面止刺字流二千里交與地方官令其永遠當苦差等語張  
 二係滿洲家人應照例解部刺字定地充發當苦差查康熙三十三  
 年刑部題候補知府盧承都等將伊家人登壽不行嚴管以致登壽  
 將吏目方玠毆打議將盧承都降三級調用奉  
 旨依議欽遵在案今福撫常 不嚴管家人以致途遇大臣不行下轎擅敢  
 冲道而過應照此例降二級調用

成案質疑

軍政

擅調官軍

擅入葬地致傷官弁

輕敵損折弁兵

失誤軍事

戰船被風擊碎

失誤軍機

從征違期

巡哨托病私回

武林洪弘緒舉山甫

同輯

繡谷饒

瀚敦夫甫

遊擊遇賊不奮勇擒拿

軍人替役

失察軍人替役該管官處分

主將不固守

武職懦怯偷安

曠守汛地

領兵捕賊官兵被殺

海賊劫掠商民殺傷官兵文武處分

逆苗奔至典史逃避

縱軍擄掠

縱兵擄掠

不與賊軍士

營兵散歸未成

領兵出征不能鈴束及衆兵譁謀

營伍廢弛盜賊竊發

旂兵鼓譟

將備操演過勤責罰太重兵丁聚衆辭糧

營兵因事號召闖開縣堂

兵民爭毆營兵因縣不責民人聚衆擁開豎旂出城

兵丁擅擡 龍亭

激變良民

刁棍結黨脅官毀門罷市照光棍例擬罪

有玷職守被百姓擁出城門

情同光棍又與例載有間

聚眾抗糧

結黨抗糧

抗欠錢糧勒眾罷市

抗欠錢糧壘塞縣門

因事聚眾罷市打官

百姓聚眾圍署抗官

官先貪婪致民積忿率眾壘塞署門

拼毀關篷照光棍例問擬

挾嫌聚眾阻撓公務

藉事鼓眾罷市塞門

毀壞縣丞衙署比律問流

典史擊給黃民治辱塞署

胥役散堂照光棍例治罪

納卷爭錢恃酒闕堂挾嫌阻考乘機各散

欲求補撥擠壞柵欄

藉試毆差

衛丁不願充當水手聚眾罷市

旂丁打毀米廠擁鬧公堂

副將撫馭無方以致營兵繳甲

地方官任聽營兵交甲

營兵辭糧事出有因且官不准退即行解散亦屬畏法迨後撩坏寨

門經喝而散未便以光棍定擬

兵丁聚眾喧嚷

因爭墳未遂同謀脇族豎旂出境

營兵毆辱典史

兵姪窩賭典史捉拏營丁聚眾打官鬧署  
土民聚眾

私藏應禁軍器

隱匿砲位

不看守砲位照貽誤軍務

兵丁盜賣砲仗

賠補火藥

三眼鎗未奉查禁失察官免議

縱放軍人歇役

兵丁毆死民人失察

兵丁優害處分支職

兵丁打死坐臺筆帖式約束不嚴各官處分

縱兵辱官以致自縊

汛兵殺人專汛官革職提問兼轄官雖公出亦處分

公候私役官軍

令兵丁採辦柴炭馬草

優恤軍屬

冒領卹賞

官兵赴考船破溺斃照例賞卹

陣亡官兵賞給并有功官給與劄付

官兵因公溺斃照例賞卹

官兵巡哨遭風沉溺照例賞恤

夜禁



黑夜行走

成案質疑

武林洪弭緒臯山甫

同職

繡谷饒瀚敦夫甫

軍政

擅調官軍

擅入葬地致傷官弁

康熙四十一年三月兵部議貴提李芳述疏都司胡安國因清平縣民鄧應甲被賊殺死有逸犯阿應等經都司訪確現在華葬寨會同該管土官何瓚遠赴該寨要賊各寨苗黨持械湧殺胡安國接應被鎗打傷併死傷兵丁四名逆苗竟將何瓚槍入寨內殺死臣密訪會同要賊是實未有啓釁別情至胡安國不行詳請上司會同土官私入葬地固為輕率等因查凡地方汛守各官聞有賊犯之處一面申

成案質疑

卷十

軍政

一

擅調官軍

報上司一面拿賊該都司胡安國並不申報上司卽會同土官擅入  
彝地以致土官被殺兵丁死傷應將胡安國革職交與該督撫嚴審  
定擬令革彝寨苗人將殺死鄧應甲等兇犯併殺土官兇首羅尤等  
擒拿獻出若仍前拒捕將人犯不行獻出者該督等另行具題再議  
奉

旨依議殺死鄧應甲等兇犯及殺死土官爲首兇犯羅尤等如擒拿獻出  
請罪則已若不行獻出該督撫提督卽酌量調兵勦除

輕敵損折弁兵

康熙四十三年四月兵部議雲撫石 疏稱遊擊王鳳麟損折弁兵  
果因衆寡不敵王鳳麟分兵救援退賊保城功過兼有查失悞軍機  
律內情輕律重有碍發落者備由奏請處置王鳳麟所犯似與此例  
相符况今餘孽陸順明等已經俘獲應否援

赦開復等因查先經雲督巴 疏稱王鳳麟先因土司陸順明等糾賊越  
犯廣南者歪地方不候上司策示遽率官兵輕敵以致陣亡弁兵等  
語臣部議王鳳麟並不申報上司遽率官兵輕敵以致損折弁兵將  
王鳳麟革職令該撫嚴提究擬在案但遊擊王鳳麟遽率官兵輕敵  
以致陣亡弁兵不便援免仍令該撫究擬治罪具題到日再議奉  
旨王鳳麟着提取來京確審定議具奏

失悞軍事

戰船被風擊碎

康熙三十三年七月兵部覆福督朱弘祚題烽火門船船一隻大桅  
既係損折理應留汎加謹看守乃不行加謹看守仍差員管駕令其  
赴省以致被風擊碎定例內押運官巡查不謹以致漕船失火者降  
一級調用等語應將遊擊宋斌原任守備今陞臺灣鎮標中軍遊擊  
王五瑯照此例降一級調用船隻炮械等項照數賠補奉

旨依議

失誤軍機

雍正 年 月兵部覆湖督邁 疏稱寧遠縣屬鄉居生員荆之寶  
 家于雍正 年二月初一日夜被盜未獲盜首七十七即陳茂糾約  
 夥黨共一 名焚劫擄掠先經專汛把總王俊侯即稟請  
 總蔡洪印 報鄰汛遊擊楊京瑛蔡洪印即轉報總兵楊國相即飭  
 把總王俊侯并差千總王士元帶兵接應楊京瑛聞報亦差把總徐  
 俊傑帶兵協擊楊京瑛亦帶兵踵補乃王士元畏避路險難行托故  
 推委楊京瑛督兵躡進鎗炮齊發傷死賊黨七人各盜亦執械拒敵  
 楊京瑛失足跌傷右腿王俊侯助受鎗傷兵丁傷死五人劫去帳房  
 鑼鼓等物楊京瑛等俱各退回及聞賊黨逃遁遂各分差兵役陸續  
 拏解夥盜八十三人各盜僉供七十七係盜首其拒敵情由各自認  
 不諱將蔡洪印等擬以斬軍具題前來應如該督所擬蔡洪印合依

領兵官逗留觀望不依期進兵策應因而失悞軍機者斬監候楊京瑛合依將帥分調攻取所領軍人不敷不速飛申添撥勦捕致悞軍機者斬監候但楊京瑛係奉

旨特用之員應加倍治罪擬斬立決王俊侯合依軍官臨陣圍困而逃者斬監候王士元徐俊傑應革職俱合依軍官已承調遣臨期因而失悞軍機者斬監候總兵楊國相統轄內地盜賊任意玩延溺職已甚雖于本案內革職但係

特簡之員辜負

聖恩法難寬宥應發邊衛充軍奉

旨蔡洪印等免死發陝西軍前効力贖罪楊國相從寬免流著來京在下車騎營千把總內効力

從征違期

巡哨托病私回

康熙五十九年三月刑部議得原叅革守備鄭雄等見賊不能追擒原叅革遊擊洪斌委令出洋巡哨托病私回一案先據護廣撫王疏稱鄭雄供稱五十六年三月內在赤澳望見賊船二隻卽同胡英等帶兵追捕因日霧昏黑致賊颺逸不獲等語洪斌供稱吐血不止病重在家將我擡下快船我不知覺等語將鄭雄擬以杖罪洪斌擬以革職等因具題駁據廣撫楊疏稱嚴審鄭雄等供吐如前並非不力追擒等語將鄭雄等仍照原擬具題前來查該撫既稱將鄭雄胡英呂宗伍尚俱照軍官臨當征討稽留不進者罪止杖一百折責四十板已經發落洪斌應照規避例革職係本案革職無容議等語應均無容議奉

旨依議

遊擊遇賊不奮勇擒拿

康熙五十三年七月刑部會看得據廣督趙 疏稱韶州府曲江縣  
居民賴上品等家於五十一年六月二十六日被賊劫掠該管之左  
翼鎮標右營遊擊沈相朝并巡搜之左營守備种彪平日懈於巡防  
遇賊又不奮勇擒拿經臣會疏題叅准部行令革職審擬當經檄行  
按察司拿審去後茲據按察使武國楹詳解前來臣親加嚴番據沈  
相朝供當日奉行緝賊隨卽帶兵與守備种彪在了髻山傷賊奪械  
因值日暮林深不能前進等語將沈相朝相种彪擬以杖罪不准援  
赦且題前來應如該督所題沈朝相种彪合依軍官臨時征討稽留不進  
者杖一百律杖一百各折責四十板奉

旨依議

軍人替役

失察軍人替役該管官處分

康熙五十四年六月刑部會看得准提督隆科多拏送正藍旗保柱與本旗薛兒等頂替看守公庫互相鬪毆一案夾訊保柱供于去年九月初九日有本旗蘇折得病給我錢四百文我替他該了一班十四日有鑲黃旗魏良忠因岳母死了給我錢四百文我替他該了一班又于十九日有正白旗阿布納因女人分娩給我錢四百文我替他該了一班二十一日我同薛兒三河吃醉彼此鬪毆三河說我們鬪毆持刃到堆子上告訴被獲我並不會持刀等語夾訊薛兒供于去年九月十三日因正黃旗巴浪跌傷了肋給我錢七百文我替他該了一班餘處俱與保柱供同夾訊三河供于九月十九日有正白旗馬尼因父親得病給我錢一百文我替他該了一班是實餘處俱

與保柱等同隨逐一番訊蘇折魏良忠阿布納巴浪馬尼俱與保柱等供同各自行招認據此將蘇折等應照軍人不親出征雇倩人代替律杖一百係旗人各鞭一百革去披甲將代替該班之保柱等均照律杖八十係旗人各鞭八十其保柱等已經治罪將鬪毆之處無庸議所得之錢照追入官伊等頂替該班日期之該管官邁奇黑達色李奇巴顏太等雖供我門上班所有二十名披甲並無空班但叫替之蘇折等代替該班之保柱等俱供頂替是真等語應將邁奇等照例各罰俸六個月奉

旨依議

主將不固守

武職懦怯偷安

康熙四十三年八月刑部議浙督全世榮疏定海鎮標右營叅革遊擊陳謨怯懦偷安不力行巡防洋盜致洋商陳信等船連被盜劫陳謨茫無知覺事前不能巡察事後又不能追擒依守邊將帥懈于守備被賊侵入境內擄掠者律發邊衛充軍等因查行劫洋商陳信等船之強賊雖未登涯擄掠人民但連被盜劫陳謨茫無知覺應將陳謨照律僉妻發邊遠充軍奉

旨依議

成案實定

卷十四 軍政

主將不固守



曠守汎地

康熙三十年二月兵部覆督捕疏巡捕營守備係蒞守汎地之員正值年節理宜嚴加防範堆子母致踈曠守備金鑪借病怠忽有曠守汎等因查巡捕營武職各官曠守汎地作何處分之處並無定例但京城八旗官員定例內

紫禁城

皇城

大城曠班者革職等語守備金鑪曠守汎地應照此例革職

領兵捕賊官兵被殺

康熙五十五年 月刑部會看得新太營叅將王起雲被擒殺死一案據廣督楊 疏都結州土目農机咸糾邀常光祥率眾擄掠萬承州田六甲村庄屯聚不散叅將王起雲帶領千總莫維棟把總鄭星貴並兵丁前往巡捕詎多禮村內狂人出而拒敵從深林密樹中銃箭齊發以致王起雲及家人兵丁被銃傷身死把總鄭星貴被擒捉獲星貴告以官兵被殺印信遺失机咸等始各驚懼尋獲印信交星貴放回机咸等奔逃由果化土州至上林土縣地方過河彼時遊擊李王斯千總黃正煥俱帶兵防守隆安相離不遠聞信自應立即追擒乃反以各守汎地爲諉再王起雲被害之時千總莫維棟銃傷左腮昏迷不省無從救援把總鄭星貴領兵捕賊不能先行預備以致損威將鄭星貴等擬以軍罪具題前來鄭星貴合依賊擁衆入寇卒

遇交鋒損傷數十人以上者杖一百發邊遠充軍律僉妻發邊遠充軍至配所杖一百折責四十板李玉斯黃正煥俱應照鄰近衛所已承調遣不卽發兵策應者杖一百發邊衛充軍例僉妻發邊衛充軍至配所俱杖一百各折責四十板該督疏稱千總莫維棟雖銃傷左腮昏迷不省無從救援已經此案革職隊目廖廷貴等均屬無辜應各省釋歸伍叅將王起雲業經贈蔭傷亡兵丁已量捐給賞均無庸議再查農机咸等逃遁由果化州始至上林縣過河管轄該汛之左右鎮標中營遊擊陳天開並不堵禦擒獲聽徭人越界殊屬不合應令該督審明確擬并將農机咸等經過之該管文職一并查叅具題奉

海賊劫掠商民殺傷官兵文武處分

康熙四十八年五月兵部會議得廣督趙 疏稱南澳鎮標右營守備潘成龍帶船巡海被賊殺傷官員一案臣據報卽飭南澳總兵官林臯統領師速行勦捕賊黨并具疏題報將千總秦祐總兵官林臯一并指叅在案隨准廣東提臣施世驤咨會及據惠州府詳報會審獲賊林亞會等供報同夥三十六人在南高表頭外洋與官兵對敵奪得哨船一隻并認打劫糖船一隻將各犯及千總秦祐等俱發該司嚴審究擬另題外所有守備潘成龍被賊殺死與陳開順糖船被劫兩案疎防文武各官相應題叅再照守備潘成龍被傷處所已據千總秦祐及各犯供明實在南高表頭外洋總兵官林臯並不確查止據千總秦祐等混報甲子湖東又陳開順被劫一案疎防各官職名至今並不開報均難辭咎合并附叅至本案被傷官兵應否給賞

候部議奪等因具題查總兵官林臯帶領守備潘成龍千總秦祐出洋巡哨而守備遇有一二賊船不能擒捕剿滅反被殺傷官兵奪去船械皆由該總兵官平日不行嚴加訓練怠玩所致守備潘成龍被殺之處又不確否遽行詳報又陳開順糖船被劫一案各官職名慢不開報殊屬溺職應將總兵官林臯照溺職例革職查定例內賊船飄突以致官兵損傷者專汛官降二級兼轄官降一級俱帶罪圖功等語應將汛守疎防專汛海門營千總王士把總張得祿照例各降二級戴罪圖功兼轄守備鄭昂署守備事達濠營千總蕭文秀各降二級戴罪圖功其守備潘成龍被殺與陳開順糖船被劫二案之兼轄海門營遊擊蔡寬照例降二級俱戴罪圖功再查此案守備潘成龍出洋巡哨遇有一二賊船不能擒捕反被殺傷官兵奪去船械應將該官所請給賞之處無庸議再查海洋失事文職雖照內地之例

處分但潮陽縣洋面任從賊盜出入該地方官並不嚴加防範以致劫掠寧司巡檢何家瑞潮陽縣典史朱綸于此二案每案各降二級戴罪圖功查巡檢司何家瑞典史朱綸俱無級可降均革職戴罪圖功潮陽縣知縣彭象升該督雖稱委署惠來縣印但潮陽縣事務並未別委管理非因公出境者可比應將知縣彭象升照例于此二案每案各降二級戴罪圖功護理潮州府同知事海陽縣知縣王毓英惠潮道胡琪照例于此二案每案降一級帶罪圖功查王毓英有加二級胡琪有加四級應各銷去加二級抵降二級免其降級仍帶罪圖功潮州府知府戴聘雖不同城石兼轄之責亦應照例于此二案每案各降一級戴罪圖功再總督有統轄全省兵馬之責平日不嚴加訓練以致賊犯殺傷官兵應將兩廣總督趙於此二案每案各降一級戴罪圖功查趙有加三級應銷去加二級抵降二級免

其降級仍帶罪圖功奉

旨林臯着革職餘依議

逆苗粹至典史逃避

乾隆二年六月刑部議覆叅革黃平州吏目程彌祐失陷逃避藉病告休一案據貴督張 疏稱訊據程彌祐供稱逆苗粹至賊眾兵單力不能敵以致失陷隨赶往右井地方招集鄉勇堵截要路等語程彌祐身為捕官有守土之責聞逆苗焚劫不能先事請兵設策堵禦及至失陷輒與百姓同逃自應按擬其藉病告休之處訊據程彌祐供稱原因年老多病於逆苗未逞之先即已具詳求退未經允准及至有事之後感受風寒暑濕遂成廢疾據實告休並非藉病等語查程彌祐先因老病告休雖據供稱會詳該州但未通詳有案迨逆苗變警有事之時即思因病告休顯屬規避將程彌祐擬軍等因具題查例內沿邊沿海及腹裡府州縣與武職官員同住一城若遇變警及盜賊生發攻圍不行固守而輒棄去被賊攻陷城池者府州縣掌

印井捕官俱比照守邊將帥被賊侵入境內擄掠民人者發邊遠克  
軍等語程彌祐除藉病告休輕罪不議外應如該督所題程彌祐依  
例僉妻發邊遠充軍至配所責四十板事關軍機不應接

赦該督疏緝程彌祐之妻陸氏在原籍江南應將程彌祐解往僉遣等語  
應令該督將程彌祐解回原籍查提伊妻僉配報部奉

旨依議

縱軍擄掠

縱兵擄掠

康熙十七年五月刑部議江撫慕天顏疏揚州營革職把總紀龍濫  
差汛兵周升等下鄉巡察強姦民人袁士科之妻朱氏以致朱氏縊  
死紀龍合比照本管頭目知情故縱擄掠律杖流但本升之母王氏  
年近八旬家無次丁應否存養等因查紀龍平日不能嚴束兵丁致  
周升等強姦袁士科之妻朱氏縊死又復代為移文文飾紀龍應比  
照本管頭目知情故縱擄掠與犯人同罪至死減一等并妻流三千  
里遇熱審減等杖徒係職官且紀龍之母王氏年近八旬並無次丁  
應准折贖養親奉

旨依議

成案實錄

卷十四 軍政

縱軍擄掠

不操練軍士

營兵鼓譟未成

康熙十一年十一月刑部覆川督蔡毓榮查營兵鼓譟律無正條例內倡亂之人以軍法從事等語又查江南提標兵丁顧子明等為首聚眾譁譟環繞知府勒索兵餉逼寫印結照倡亂之人以軍法從事例俱擬斬立決在案都司賈一經等若鼓譟已成應擬斬立決但一經先因謀令吳應絃等赴京告狀不果遂商同聚眾出城鼓譟向黃副將要銀事未及成旋被擒獲應減等折責四十板并妻流三千里兵丁胡尚武等雖未出城鼓譟但附和訂約俱應責四十板徒三年陳大與同鼓譟之事不行出首依不應重律奉

旨依議

領兵出征不能鈐束及衆兵譁謀

康熙五十七年七月刑部會看得四川提標左營遊擊沈力學與兵丁賭博廢弛營伍一案據都統法寶等將沈力學審擬軍罪具題前來查遊擊沈力學因康熙五十六年二月內同已正法中營守備汪文藻相隨提督領兵前往松潘預備乃力學懶惰偷安既不能整飭營伍又與兵丁賭博及至衆兵譁謀回省復出狂言擾亂衆心歷審自認情真查律內守禦官提備不嚴致所部軍人反叛若充軍等語但沈力學係領兵遊擊不能鈐束兵丁整飭營伍反與兵丁賭博及衆兵譁謀回省復出狂言擾亂衆心大干法紀沈力學不便照充軍例擬罪應照失悞軍机律擬斬監候秋後處決可也奉旨沈力學潘大成依議應斬着監候秋後處決餘依議

營伍廢弛盜賊竊發

康熙四十六年二月刑部議廣督郭世隆疏稱原任廣東惠州叅革副將李春茂廢弛營伍以致庄村山野之間仍有盜賊竊發將李春茂擬杖折贖并請發福建廣東兩省邊海地方充伍効力等因據此李春茂合依凡各處守禦官不守紀律不操練軍士再犯杖一百律照例折贖但該督既稱李春茂自受厚祿爲諸弁之表率不能留心地方任情怠玩以致盜案較他屬獨多不便照律議處應將李春茂發福建廣東二省邊海地方充伍効力以爲庸劣偷安之戒應如所題將李春茂發往福建邊海地方充伍効力可也奉

旨依議

旗兵鼓譟

康熙六十一年四月兵部會看得福建浙江總督覺羅滿保題參福州將軍黃秉鉞因攢奏各兵丁四千二百兩銀子兵丁聚眾跪叩龍亭又壘濠將軍大門打壞官員門窗一案夾訊為首聚眾披甲王殿吉供稱康熙五十七年九月初四日將軍向我們眾兵說你們難過我盡知道捨着我的官替你們啓奏你們眾兵攢奏六百銀子與我有用處我等故攢奏六百兩銀子交給值月撥什庫等轉交入將軍府內五十八年二月初四日又向我等眾兵說今奉

上諭將你們馬甲裁減一半你們再攢三千餘兩銀子給我我替你們具題復還馬甲給你們本色米吃因此共攢三千六百一十四兩銀子交與值月小撥什庫送到將軍衙門交與買馬章京顧印譽帶進京來六十年八月二十六日在箭場裡四旗協領向將軍說看得兵丁



甚是難過將軍當設一法解救將軍說衆兵俱在外面怨恨我若查出這等人來不可不殺幾個將我等父母辱罵我從衆人羣中出來喧叫衆人跟着跪叩

龍亭後巡撫呂猶龍副都統鄭繼寬來說你們情屈將緣由寫一張呈子上來因此張倫倪啟聖龍爲光王有德馬國佐王廷元六人商議王有德書寫呈子遞上等語據率衆壘遮將軍大門之披甲武坤山供稱我沿路傳喚衆人趕到

龍亭門已關閉守備王加祿原係將軍內傳宣把總我等馬匹倒斃報明將軍都是他來驗看過方許變賣因與旗下人不和我等馬匹倒斃三四日後皮臟臭爛不能變賣方來驗看故此衆人俱各怨恨他衆人跟着我各持磚石打他門窗彼時衆人跟着我用床杌壘遮將軍大門是實因去的人衆多又是黑夜誰人動手都不知道據張倫供稱我等跪叩

龍亭巡撫呂猶龍副都統鄭繼寬說你們人多有會說話的出來幾個告訴情出因此四旗我們六個人出來告訴情由王有德繕寫呈子遞上是實餘詞俱與王殿吉供同倪啟聖龍爲光王有德馬國佐王廷元俱與張倫供同自行承認據小撥什庫耿應奎撥什庫披甲二百二十七人供稱王殿吉等叫喊說你們若不出來就殺你們故此我們跟去是實查律內如有兵餉不足等弊許各兵赴督撫提鎮告理若不行告理擅自聚譁者將倡亂兵丁正法等語王殿吉武坤山受聖主隆恩給與錢糧米石參養正值臺灣有事不思効力如果有冤枉並不告稟督撫聚衆喧鬧

龍亭堵塞將軍大門打壞官員門窗大干法紀應將王殿吉武坤山卽行處斬抄沒家產入官其妻子及未分家之孩子俱賞與功臣爲奴張

倫倪啟聖龍爲光王有德王廷元馬國佐雖未造意聚衆但依從王  
殿吉武坤山喧喚行走且巡撫呂猶龍副都統鄭繼寬問話時伊等  
六人出羣告訴情由又商議書寫若不將將軍調回將我等撤回呈  
詞情屬可惡應將張倫倪啟聖龍爲光王有德王廷元馬國佐擬絞  
監候秋後處決其妻子入辛者庫小撥什庫沈元弼等二百一十八  
人當守分不出來纔是王殿吉等呼喚隨卽入羣跪叩

龍亭不便仍留福州當撥什庫披甲除李永明等九人取供後病故毋庸  
議外沈元弼等二百一十八人俱鞭一百此內藩下人交送內務府  
入辛者庫當苦差行走旗下人歸入京城各該旗辛者庫亦令當苦  
差行走正藍旗防禦謝儒秀供稱康熙五十七年九月十八日四旗  
小撥什庫拿六百兩銀子同章京交給將軍家人姜四洪三又給奏  
摺子家人姜四盤費銀五十兩一併收去等語撥什庫關富國等十

一人俱與謝儒秀供同鑲黃旗防禦顧引譽供稱我來京買馬將軍  
說四旗有公費銀三千五百兩順帶進京交給提塘陳誠又四旗協  
領等差小撥什庫兌了三千六百一十四兩銀子章京收明白了來  
至京城將銀子兌了三千五百兩交給陳誠其餘銀兩我等僱船盤  
費了陳誠給我的收字交給章京謝儒秀回過將軍等語撥什庫楊  
鼎琳等俱與顧引譽供同陳誠首稱我原係福建提塘今捐陞陝西  
靈臺縣知縣尙未起身于五十八年防禦顧引譽等買馬來京帶有  
銀子三千五百兩說此係公費銀子收在你處如有用處隨後自有  
信來使用故此留下了今三年以來我將此銀分毫不敢動用今三  
千五百兩銀子呈繳兵部據將軍黃秉鉞家人姜四供稱我進摺子  
來時給我四十八兩盤費銀我收是寔自行承認將軍黃秉鉞供稱  
康熙六十年八月二十六日夜披甲兵誑言謊告寔寔寔寔寔寔不得

辯他們吃空頭馬乾慣了又兼藩下的人性情刁惡見我不肯具題復馬故此告害我我係總管兵丁將軍以致兵丁控告我家人姜四又招認受了五十兩盤費銀子此項銀兩我雖未受我家人今已承認章京謝儒秀又說我知道就是我受的一樣這便是我的死罪有何辯處黃秉鉞係總管兵丁將軍平素不約束兵丁以致兵丁跪叩

龍亭殊屬溺職應將黃秉鉞革職其世職承襲之處交與該旗姜四合依官吏家人於所部內收受財物減本官罪二等無祿人又減一等律減三等徒二年半係旗人枷號三十五日鞭九十但姜四以進摺爲詞收取衆兵擠湊銀兩不便照此律議處應柳號三個月鞭一百防禦顧卯舉撥什庫楊鼎琳陳世雄王維勳曹憲琪雖稱聽從上司指使將三千五百兩銀子交給提塘陳誠其餘一百十四兩銀子僱船

盤費了卅兩顧卯舉係管兵官員將兵丁攢湊銀兩盤費不合應將顧卯舉罰俸一年撥什庫楊鼎琳等照不應重律杖八十係旗人鞭八十四旗協參俱係專管兵丁官員上司科欵不行勸阻上司吩咐卽行攢湊又不行詳察朦混送至將軍衙門帶至京城不合應各罰俸一年知縣陳誠當提塘時顧卯舉交給銀子彼時不行出首遲至三年兵丁控告後始行出首不合應將陳誠革職將軍衙門傳宣防禦謝儒秀同顧卯舉來京之防禦宋文顯送將軍衙門六百兩銀子之撥什庫闕富國等十三人審係聽從上司指使俱無庸議謝儒秀等六百兩銀子交給將軍家人姜四洪三堅供不移黃秉鉞供伊家人姜四承認受了五十兩盤費銀子就是我受了一樣等語應將謝儒秀等送去六百兩銀子併姜四所受五十兩銀子俱着黃秉鉞名下追賠顧卯舉等盤費一百一十四兩銀子着顧卯舉等俱照數追

出併陳誠出首三千五百兩銀子一併入官洪三既係伊主黃秉鉞差往雲南俟回日另結奉

旨王殿吉武坤山着卽處斬張倫倪啟聖龍爲光王有德王廷元馬國佐俱依擬應絞着監候秋後處決沈元弼等二百一十八人免其入各該旗辛者庫俱發往盛京及盛京八城分與漢軍佐領下令其學習効力當差黃秉鉞着革職餘依議

將備操演過勤責罰太重兵丁聚衆辭糧

乾隆元年十一月刑部會看得管兵王法基等夥衆辭糧出城赴控一案據直督李 疏稱正定鎮管兵係三六九日操演且從前千把總不能管兵弓馬技藝皆不嫻熟因署鎮宋愛抵任加謹訓練署遊擊袁成率同守備趙文鼎張文遠等責令各兵一四七日合操跑陣二五八日打鎗三六九日習步箭逢十操演騎射令千把總外委各行管兵每逢操期有技藝生疎者責成責必從重輕則反杖甚至守備趙文鼎打責兵丁用手巾勒口不許叫喊又袁成因管馬疲瘦諭令每馬每日必喂料豆麥麩各三大升草二十觔復恐不遵必逐家查驗各兵不能賠墊益復含怨又袁成以總鎮三月出巡時值換季又諭置備涼帽等項閤管聞傳疑爲均須製備二月二十三日晚王義與王法基言及難以食糧何不辭退王法基卽云必得約衆同辭

起意令王義約石得金等議訂日期赴邳神廟取齊王法基石得金  
王義又率眾兵立誓令陳化麟寫就辭糧稟帖俟次日赴總兵衙門  
投遞次日王法基等先至鎮署正在投稟袁成聞知即飛騎查拿王  
法基不及投稟在縣喊稟袁成又追至縣署各兵畏懼遂各倉皇驚  
怖一擁出城欲赴臣衙門具控途遇

欽差臣魯國華諭令回營王法基等亦即不敢前行經正定縣知縣王溥  
龍固管都司劉漢傑追至開導王法基等允服於次日早俱各回營  
歸伍臣據報即委清河道移提各犯查審不待刑鞫各吐實情王法  
基等因將脩各官不體下情操演太勤責罰過重喂馬製衣力難賂  
墊含怨日深夥眾辭糧復因袁成兩次追拿驚慌出城欲赴保控訴  
原非公然聚眾及集譁倡亂者比但營伍務須整肅兵丁尤宜守法  
今雖稱被迫一時離營空手出城影回奔控而約會辭糧形跡已著

王法基係起意約人之犯應照頑梗之輩聚眾至四五十人為首擬  
斬例量減一等擬軍協同約人商議寫單之王義與聽從約人激眾  
開名之石得金均係為從亦照例量減一等擬流被逼同行之梁棟  
等擬以枷責等因具題應如該督所題王法基應比照頑梗之輩聚  
至四五十人為首擬斬例量減一等僉妻發邊遠充軍至配所杖一  
百折責四十板為從之王義石得金亦比照為從擬絞例量減一等  
僉妻流三千里至配所折責四十板仍遵照雍正十一年六月內九  
卿議覆大學士張 條奏援引別條比附者應于疏內聲明恭候

諭旨遵行該督既稱梁棟等均應照被勒同行之人例各杖一百時當熱  
審減一等各杖九十折責三十五板先行發落秋涼後各枷號四十  
五日王永盛等先因被脅次日未經同行均行免議附和同行隨郎  
安伍各兵亦免深究名單銷燬等語應如該督所題發落完結該督

又稱王法基之母赴控以年老丁單懇請留養俟查實另報又據按察使詳報劉系在店病故隨批取相驗圖結并訊解役人等有無凌虐等語應令該督作速確查報部再該督疏稱署右營遊擊袁成甚屬暴戾右營守備張文遠左營守備趙文鼎不行稟阻聽從奉行致啟釁端均屬溺職署正定鎮總兵事副將宋愛有統轄之責不能預為查禁各亦難辭相應分別附奏統聽部議至趙文鼎到任甫及一月但打兵勒口係該備所為合併聲明再查遊擊袁成先係忠順都司臣與前提臣路振揚合疏題補正定鎮右營遊擊兼管左營其署總兵官宋愛係奉

旨有臣揀選署理因該員屢次署理總兵印務均無貽誤今既辦理乏術有忝督率之任伏乞

敕部將臣等一并議處等語查遊擊袁成訓練兵丁過於嚴刻濫施刑責

勒賠馬草逼備衣鞋多方凌虐毫無體恤以致兵丁聚眾辭糧又不設法安頓兩次追拿逼令出城暴戾實甚應將遊擊袁成照營弁暴虐例革職守備趙文鼎署守備張文遠既不先行稟阻又不回明總兵惟聽信奉行致啟釁端甚屬不合趙文鼎雖到任甫及一月但打兵勒口係該備所為亦屬過甚將守備趙文鼎署守備張文遠俱照不應重律杖八十條官犯私罪照例各降三級調用張文遠係千總委署守備無三級可降相應革職趙文鼎任內有

恩詔加一級應銷去加一級抵降一級仍降二級調用至署鎮宋愛係兼轄之員不能預為查察嚴加申禁及至各兵聚門呼籲辭糧方始知覺咎亦難辭應將署總兵事浙江紹興協副將宋愛照武弁生事擾害該上司不行揭報例降二級照舊管事再定例內督撫濫將屬員坐名題補者降一級留任列名且題官罰俸一年等語遊擊袁成係

該督李 會同原署提督邱務路振揚列名保題之員除路振揚已  
經病故不議外應將直督李 照坐名具題例降一級留任但在  
赦前相應免議再該督咨稱王法基之母朱氏現年七十五歲止生該犯  
一子並無兄弟子嗣正與法遣以前告稱父母老疾家無以次成丁  
者准其留養之例相符等語應如該督所題將王法基照例枷號四  
十日責四十板免其發遣存留養親奉  
旨依議

營兵因事號召開關縣堂

康熙五十六年二月刑部會看得香山協副將鄧茂公與知縣邱鈐  
互訐一案先據廣撫楊 將李朝君等照山西百總陳開祿之例審  
擬斬罪枷號具題臣部等衙門以副將鄧茂公供稱康熙五十二年  
香山縣經征糧米每月撥給營兵該縣因歲荒米貴平糶倉穀不許  
營兵去買營兵自然去要月米林美赴縣領米被倉書張超漢將紅  
票哄去謫縣毆鎖林美以致李朝君遂持關帝廟令旂號召兩營兵  
丁齊集喧嚷等語據知縣邱鈐供稱康熙五十二年正月起至閏五  
月止應支兵米一千三百二十六石八斗已解過米一千三百四十  
五石零按月計算尚有長支現有紅票可據兵丁持紅票領米即時  
支發開倉平糶原為窮民閏五月十三十四兩日營兵數十人手持  
潮銀壓買倉穀不從兵丁即毆打里民鄭謙益等又擁進縣堂隨以

月米爲名大肆咆哮衙役將兵丁林美扭住送營究治副將鄧茂公等郭主使兵丁數百蜂擁過縣打碎公堂毆提倉書後又分兵把守城門不容一人出入民心驚慌親至副將衙門欲求解散兵勢誰知兵丁又出城聚眾喧嘩鼓噪等語貢生鄭懿等供稱十四日衆兵齊集喧嚷城門嚴守閤城驚慌勸縣到協懇求止兵是實等語且左營都司甯繼先守備張鳳儀俱無詳報副將鄧茂公右營守備陳可勝因事公出何鄧茂公於通詳文內捏填都司甯繼先守備張鳳儀陳可勝姓名詳報况兵丁林美如果執紅票領米米既不領豈肯交還張超漢之理再該縣平糶倉穀原爲急救饑民兵丁手持潮銀強買倉穀卽毆打里民鄭謙益等又入縣堂濫行喧鬧副將鄧茂公等不卽攔阻反令兵丁數十擁入縣堂打碎公座看守城門不容人行走該縣舉貢人等向來茂公茂公不卽令兵歸伍揆此明係副將鄧茂

公都司甯繼先等因兵丁歷買倉穀不遂故縱營兵大肆咆哮辱官歿民承審各官徇庇不將實情究明止將李朝君擬斬郭強等擬以枷號將副將鄧茂公知縣邱鈺不分是非曲直均擬溺職朦混具題不合應令該撫另委賢員再加詳審明白務得實情確擬具題到日再議等因具題咨行去後今據該撫疏稱緣康熙五十二年香山縣撥解香山協兵米已歷六月實止米一百四十七石零維時適因米價昂貴平糶倉穀兵丁林美買穀不遂卽以支米爲名尋釁爭鬧該縣邱鈺將林美毆鎖致李朝君一時忿激遂取關帝廟令旂號召郭強等附和叫呼以致衆兵喧嚷旋經副將鄧茂公傳諭解散歸伍今嚴訊鄧茂公等堅稱事起倉卒並無主使故縱營兵騷害良民卽質之林美李朝君等衆口同聲將李朝君仍照原擬等因具題前來查康熙三十三年七月內原任兵部尚書索 題山西北樓營百總陳



開祿等擅擡

龍亭喊告一案臣部等衙門將教唆之百總陳開祿比照如有兵餉不足等弊許各兵赴督撫提鎮告理擅自聚譁者將倡亂兵丁正法例擬斬立決兵丁黃朝等俱在該地方示眾各枷號兩個月責四十板副將孟發祥不將兵丁嚴管教訓又將不曾吃糧之張四冒頂名糧張印名字放了把總孟發祥應革職照例擬徒遊擊張翰使兵丁林四砍柴被虎咬死張翰應降三級調用等因具題奉

旨陳開祿改爲應斬着監候秋後處決孟發祥着革職從寬免徒責張翰着降三級休致餘依議欽遵在案爲首之李朝君應照此例擬斬立決附和之郭強張起隆郭子代及起釁之林美應在該地方各枷號兩個月責四十板均革職再該撫疏稱副將鄧茂公雖無王使故縱情弊但不能約束兵丁以致聚譁應照例革職又捏寫都司守備姓名通詳應照律重杖折贖都司甯繼先守備張鳳儀雖稱兵丁率眾喧譁不能禁止已經革職無庸議守備陳可勝因公出境亦無庸議千總林三奇把總黃世忠黃虎雖稱分防外汛但聚譁之日已經回城亦應革職百總王猷李世德俱在別汛防守均應免議等語查定例內營兵噪變該管官降二級調用等語但此案營兵壓買倉穀不遂大肆咆哮辱罵殃民不便照此例議處應將副將鄧茂公都司甯繼先守備張鳳儀應革職已於本案革職無庸議千總林三奇把總黃世忠黃虎兵丁聚譁之日不能禁止亦應革職再該撫疏稱守備陳可勝兵丁聚譁之日因公出境百總黃猷李世德俱在別汛防守均應免議等語應無庸議再該撫疏稱知縣邱鈺支解兵糧怠緩遲延應照例降三級戴罪督催但撥給遲延以致聚譁亦屬不合現今革職聽候部議等語查定例官員已征錢糧撥餉稽遲以致兵譁革

職聽候部議等語查定例官員已征錢糧撥餉稽遲以致兵譁革

職等語香山縣知縣邱鈺已經本案革職應無庸議該撫既稱不行  
稟阻之倉吏張超漢合依不應重律杖八十折責三十板軍役已經  
發落潘裕等審係無干均無庸議奉

旨李朝君着郎處斬餘依議

兵民爭毆營兵因縣不責民人聚眾擁鬧豎旂出城

雍正九年六月刑部會看得惠州協右營駐防永安縣城汛兵丁黃  
勝文等擁鬧縣堂豎旂出城一案據廣督郝 疏稱緣雍正八年三  
月二十六日有營兵范安邦即朱安邦之工人李亞因在北門外小  
河堵水浸洗馬草適民人劉子尊經過見其有碍行走將草撥散李  
亞四言罵以水潑濕劉子尊鞋襪劉子尊趕打時朱安邦之父朱正  
吉聞聲出與劉子尊爭論被子尊推跌朱正吉捏傷于二十七日令  
朱安邦抬縣控驗原任永安縣知縣徐允年驗明無傷因念朱正吉  
年老劉子尊不應推跌量罰銀一兩給領各已允服乃事外之兵丁  
黃勝文因該縣不將劉子尊責處突出糾同往看之藍文彬朱明劉  
文顯曾祥葉連於儀門攔截劉子尊壓令磕頭賠禮劉子尊不從黃  
勝文等即行趕毆劉子尊奔至縣堂喊救該縣出堂查問黃勝文等

必欲責打劉子尊出言無狀該縣遂令開報姓名黃勝文與藍文彬等挺身開報又將不在場之賴賢王英陸雄鄭有才簡順林德葉榮一并開報恣肆無忌該縣忿怒起罵致將公案自行推倒往請都司徐天爵等訴知情由詎黃勝文周知法紀即同藍文彬朱明赴廟南同監旂出城以逞其挾制之私藍文彬等隨往喚集劉文顯曾祥葉連并誘報名之賴賢王英陸雄鄭有才同至都司衙門黃勝文取出大旂纛逼脅簡順收掌併脅令張養掌號共一十二人帶領同行由北門至東門撞遇劉郊士黃勝文復錯認劉郊士為劉子尊之子用刀砍其左肩一傷遂從東門而出至城外文昌閣地方住歇都司在縣間報委令把總會吉祥趕喚黃勝文等不遵徐天爵次日即同往押回營歷審各認不諱劉郊士傷輕平復將黃勝文等分別擬以斬決流杖且題應如該撫所題黃勝文應照兵丁擅自聚謀將倡亂兵

丁正法例擬斬立決藍文彬朱明劉文顯曾祥葉連均應照為從犯一等律各僉妻流三千里至配所杖一百折責四十板該督既稱誘脅同行之簡順張養賴賢陸雄王英鄭有才均應照逼勒同行例各杖一百押交原籍地方官編入保甲嚴加約束推跌朱正吉生事之劉子尊捏傷控縣之朱正吉朱安邦應照不應重律各杖八十朱安邦係兵丁革退名糧俱照例先行分別折責發落均無庸議該督又稱兵丁葉榮林德經府審明均未同行除葉榮已於取供後保候在外病故外林德應無庸議再該督疏稱原任惠州協右營叅軍都司徐天爵把總會吉祥雖審無故縱兵丁情弊但平日不能約束鈐歷殊屬溺職已於本案糾叅革職無庸再議等語均應無庸議再該督疏稱原任永安縣調補文昌縣未任知縣徐允年既驗朱正吉捏傷劉子尊不應推跌二造均有不合乃不按律究擬混罰劉子尊銀兩

審斷已屬未協兵丁闕鬧又不能開導輸服自起呵叱推倒公案輕躁乖張又不據實詳報捏稱兵丁推倒殊乖職守請照溺職例革職相應一并附叅聽候部議等語應將永安縣調任文昌縣知縣徐允年照例革職奉

旨黃勝文着卽處斬餘依議

兵丁擅搆 龍亭

雍正四年六月刑部會議覆福建延協兵丁鄧明遠等擅搆

龍亭一案據福撫毛 疏稱將樂縣驍夫曾有慶於雍正三年六月內復

京左營遊擊驍夫鄧明遠作保並不稟退縣役仍月支工食至九月十五日該縣劉慈欲赴公所宣講

聖諭傳喚驍夫曾有慶不到拘拏責懲鄧明遠以該縣擅責兵丁卽爲首倡率曾有慶楊奎郭明玉鄧洪章王強蕭旺廖文豪陳寬余福林等共十七人於十六日擅將宣講

聖諭龍亭搆至橋門欲赴郡城投訴遊擊經鄉地熊鳴萬稟縣請回

龍亭將鄧明遠歷審各認不諱查擅搆

龍亭律無正條援照石匣營兵陳開祿等擅搆

龍亭擬以斬決具題奉

古改爲監候之案將鄧明遠擬斬監候曾有慶等擬以枷號具題查康熙三十三年石匣營遊擊張翰將偷木之王太責打追究同夥時有兵丁陳開祿等擅擡

龍亭控告經吏兵二部三法司會議將爲首之陳開祿比照如兵餉不足等弊不赴督撫提鎮告理擅自聚譁例擬斬立決附和之黃明等在名該地方各枷號兩個月責四十板等因具題奉

旨將陳開祿改爲應斬監候餘依議欽遵在案鄧明遠應照此例擬斬監候秋後處決再查曾有慶身係縣役又當營差仍冒領縣役工食經縣責懲不自悔非復妄擡

龍亭控告雖鄧明遠爲之首倡而實由曾有慶一人致起釁端曾有慶不應擬以責應改照爲從減一等律僉妻流三千里至配所杖一百折責四十板附和之楊奎郭明玉鄧洪章王強蕭旺廖文豪陳寬俱

在各該地方各枷號兩個月責四十板仍革伍脫逃之余福林緝獲另結其曾有慶冒支工食銀兩應令該撫照數追出入官再該撫疏稱鈐束不嚴之端汎把總鄧得崑兼轄遊擊楊傑護理統轄延協副將邱務遊擊楊傑相應附叅等語查從前石匣營兵丁陳開祿擅擡

龍亭一案副將孟發祥不將兵丁嚴管教訓兵丁會集妄動

龍亭應將副將孟發祥革職等因具題奉

旨依議欽遵在案今兵丁鄧明遠等生事聚衆挾制官司擅擡

龍亭該管官楊傑將將樂縣驛夫曾有慶留營食糧充役業經四月從前漫無覺察不能加謹約束以致兵丁倡率狂妄擅擡

龍亭復不能嚴行查拿兵丁余福林聽其遠颺殊屬溺職應將遊擊楊傑照例革職其把總鄧得崑業于別案革職應無庸議奉

旨鄧明遠依擬應斬著監候秋後處決餘依議

激變良民

刁棍結黨脅官毀門罷市照光棍例擬罪

康熙四十九年二月刑部會議覆武昌縣刁棍胡文昌等結黨脅官一案據湖督郭 疏稱緣楊瑞生于四十七年五月內米價騰貴遂同余壽兒等赴縣求糶知縣呂賁恒當喚倉書楊乃若等詢明是否可行乃若以倉穀遵例糶三已完不便擅發瑞生遂倡首糾約胡文昌等沿街鳴鑼擁擠縣堂又請借穀石呂賁恒仍諭不便擅動瑞生等遂羣赴場乃若家毀碎門壁糾眾罷市收斂各舖銀錢以作公用又有劣監王經危言恐嚇并邀劣貢邵圭桓代寫告詞令楊大定等赴省控告又糾楊景富等攔阻城門禁絕衙役出入呂賁恒聞瑞生等欲搶倉穀差役查拏瑞生等復毆差役胡國棟等歷審情真將胡文昌等擬以流杖援

八  
放具題查刁棍結黨脅官毀門罷市克惡已極除例行斬決之首犯楊瑞  
生例行發遣之徒犯邵圭桓均病故不議外胡文昌余壽兒張在水  
易楚玉余明山陳耀吉王經楊大定應照為從例不准援

赦各僉妻解部發奉天事後入城之沈長卿倉書楊乃若季來仕潘來廷  
均照例杖八十沈長卿等事在

赦前均免罪焉乃若等仍革役雇守城門之楊景富等應免緝其楊瑞生  
收斂銀錢強迫入官毀壞門壁令各犯賠修再該督疏稱監斃楊瑞  
生之管獄官係署江夏縣典史漢陽縣沌口巡檢賈蘭江夏縣典史  
姚仁洪均照例于現任內各罰俸三個月又該督疏稱武昌縣革職  
知縣呂賁恒審無不職統聽部議等語查武昌縣知縣呂賁恒既稱  
審無不職應准其開復可也奉

旨依議

有玷職守被百姓擁出城門

康熙四十七年十一月吏部議浙撫王以鄞縣米牙陳子章監生  
陳遴一等包攬客人韓天御等米石裝運出境被百姓盤獲赴提督  
衙門提督以事關民事將人犯發交寧波府同知于養氣收審詎鄞  
民毛子瑜等以同知不即刑究治群起誼譁將同知于養氣擁出  
城門除嚴查奸棍包攬販運並挈毛子瑜等究明糾眾辱官情由據  
法究治并查此內有生監職員另行題奏外但同知于養氣不能執  
法剖斷以致民情不服擁出府城殊玷職守等因題奏前來查于養  
氣將提督發審之人不能執法究治以致群起誼譁擁出城外殊屬  
不合應將于養氣降二級調用奉

旨依議

情同光棍又與例載有間

乾隆九年七月刑部議得老施二等抗租搶犯燒房罷市聚眾一案據蘇撫陳 疏稱緣乾隆六年七月內崇邑地方風雨過多花田稍減並未成災乃老施二輒起意賴租向顧七張三徐龍倪七何九等倡議不必還租打逐業戶之語顧七等亦各轉相傳播適有業戶黃申遣姪黃錫廷帶家人黃仁何入赴鄉議租至佃戶黃七店前眾人羣相聚看老施二之子小施二首先聲喊阻議并着施四拾坭擲打將何入推跌搶兩傘等物黃申控縣差役張華將小施二并黃七拘押保正李孟儒家老施二率同顧七各執扁挑往李孟儒家將小施二搶出黃七亦即跟回此時徐龍倪七郁仁施四徐賢等亦附和同行老施二又復令顧七徐龍郁仁徐賢徐二麻子何占何了頭顧綬等即將黃申收租之屋三間羣相拆卸其木料旋被焚燒經保正李



孟儒具報老施二以搶犯拆房自己犯罪更思罷市希免差拘復同顧七創寫傳帖底稿囑令陳時夏幫同抄錄率子小施二并顧七招同徐龍等前至鎮上遍貼傳帖老施二以布裙為旗小施二鳴鑼喊遍各店關閉鎮民被逼罷市顧七聞知保正李孟儒已將拆毀黃申租房情由報縣商之楊繼賢欲將保正房屋拆毀楊繼賢反加怨惡顧七遂同小施二等前至李孟儒家拆其房屋棄擲木料于草房之旁而散詎草房內厨灶遺火延燒過半經該縣差拏柴八張二到案并移營差拏間而老施二復起意糾眾赴縣求寬又商之楊繼賢楊繼賢答以罪不加眾為之決計老施二遂令顧七等號召眾人并以如不上城拆毀其房聲音脅逼老施二率眾將至城外經該縣移營會拏其附和之眾經該縣面諭歸農為首之老施二等亦各俯首就獲屢審不諱查例載刁惡頑梗之輩強行出頭約會抗糧聚眾聯某

斂錢構訟等情為首者照光棍例擬斬立決為從擬絞監候其通刺同行之人各杖一百等語今老施二強行出頭聚眾罷市雖與例會但賴租既殊於抗糧且未斂錢構訟挾制毆官聚眾半多被脅同行實與光棍有間若擬以為首立斬似覺稍重查大學士張以律例無可引用後引別條比附或加一等或減一等科斷奏准通行在案除楊繼賢病故外將老施二照光棍為從例擬絞監候請  
旨定奪顧七小施二擬流施四張三徐龍柴八張二郁仁擬徒陳時夏倪七何九何了頭葉七楊八黃七等分別枷責等因其題查例載光棍為首者擬斬立決為從擬絞監候又律載放火故燒官民房屋不分首從皆斬監候各等語今老施二以花田減收倡議抗租始則搶犯拆房繼又率眾罷市挾制求寬情同光棍但並未毆官亦未斂錢構訟又與例開實在光棍有間擬以為首斬決固屬法重第以為首聚

衆之人比照光棍爲從之例定擬亦未允當且老施二拆毀田主黃申租房雖云欲絕收租起見以致適值煤灰延燒至拆毀保正李孟儒房屋又被燒燬其中情事恐尚未確至顧七小施二隨同老施二鳴鑼罷市拆房似屬爲從但小施二係子從父命顧七係拆毀保正房屋爲首其夥同施四徐龍柴八張二郁仁等搶犯罷市等項疏內俱有老施二聲言倡議脅逼等字樣則小施二或係爲從顧七或係拆房爲首施四等或係老施二迥脅抑係情願隨從罪關生死亦未便草率定議應令該撫再行確審妥擬具題到日再議可也奉

旨依議

聚衆抗糧

雍正五年九月護甘撫鍾 題奏署階州事伏羌縣知縣陳舜裔

案奉

旨據階州里民喊稱署知州事陳舜裔征比錢糧緊急又欲另造刑具于是聚衆喧囂目無國法該護撫鍾保祗聽刁民一面之詞不察陳舜裔情罪之虛實遽行題奏請將陳舜裔革職鍾保其有沽名邀譽之意凡刁民抗糧之風斷不可長陳舜裔催辦國課並非私派苦累民間因此將伊革職則實心任事之人必退縮不前而無賴生事之人必以挾制官長爲得計矣陳舜裔不必革職着交與石文焯察明具奏其抗糧不法人犯着石文焯嚴加審訊務得實情定擬具奏該部知道

結黨抗糧

雍正六年四月東撫塞 審題管城縣抗糧鼓譟一案奉

旨直省州縣奸胥蠹役侵糧抗欠每借闈堂鼓譟以挾制本官此等惡習人所共知今徐自新到任未及兩月卽有行事乖張亦何至合衙胥役皆懷忿恨是必爲首者蓄意倡謀怨惡衆人作此散堂逃避之舉理應將倡首預謀之人嚴審究治庶可懲刁頑而申法紀從前王朝恩于戴子彥聚衆抗糧一案不將知縣高烈遽行解任候審明另疏具奏朕降諭旨以王朝恩辦理甚是今塞榜額旣稱刑書王大棟等結黨抗糧目無國法而徐自新折漕雜費等欸又並未審明確實乃遽請將徐自新革職豈不長奸胥蠹役之刁風子塞榜額此奏殊覺柔懦徐自新不必解任俟審明另疏具題金起洛身爲知府不將實情究出姑息朦蔽草率請結殊屬溺職金起洛着革職其案內有名蠹役等該撫嚴審究擬

具奏該部知道

抗欠錢糧勒眾罷市

雍正七年十一月刑部議覆先據安撫魏疏稱唐繕係含山縣人曾爲直隸昌黎縣令今已致仕家居節年錢糧抗欠不完該縣知縣李經催征過急唐繕遂謀與鄉民羅懷祖令其糾約鄉民求縣寬比又因鄉民至城人眾無食令唐王露王讓年在街歛奏錢米以爲飯食之需遂至聚眾閉衙逼民罷市經和州知州蘇祉詣縣曉諭開市唐繕又挺身曉曉肆詈知縣及知州回署唐繕又復勒眾罷市雖據唐繕等供原係約人求縣寬比不期所約之人入城見甫經開印又出示催征遂致閉關縣堂勒人罷市實屬意料不及等語但唐繕不將未完錢糧輸納又敢糾約多人赴城求緩挾制縣令以致打衙罷市實爲此案禍魁而羅懷祖助惡糾眾唐王露王讓年始而同謀繼復歛奏錢米蓄四開設轎鋪既非含民又無錢糧乃關鋪罷市又隨

同打鬧縣衙均爲罪所難追但糾衆打鬧官衙勒衆罷市律無正條唐繕羅懷祖唐玉露王讓年蕭四均應比照因事聚衆將本管官毆打例不分首從發邊外爲民其知情不卽勸阻之郝天正唐西然俱應照知人謀害他人不卽阻當律杖一百聽從出銀之汪紹芹與同行奏錢之唐佩元并審不知情不合抗欠錢糧詳後始完之唐化舒唐文章王樹采均照不應重律各杖八十原詳有名之蕭君大張衣文童子傑何禿子蕭君紹王子敬涂三嚴緝獲日另結各犯所欠錢糧俱于詳後全完所奏錢米爲數無多應請免追等因具題奉

旨聚衆罷市向來定例有發邊衛充軍者有發邊外爲民者亦有情甚可惡照光棍例卽行正法者皆酌其所犯情罪分別法之輕重情罪尤當卽爲正條此則撫臣定案之專責也今魏廷珍審擬唐繕等抗糧糾衆關堂罷市一案而邊外爲民之輕律具奏又復奏稱律例並無正條

其意以爲擬重恐招怨于人擬輕又恐見駁于部故以律無正條一語巧卸已責獨不思律無正條不當引確切之例以定擬乎此案仍着魏廷珍定擬具奏該部知道欽此隨卽行令該撫欽遵去後今據該撫疏稱查唐繕曾爲縣令不思急公乃敢抗欠錢糧嗔地方官催征太急糾衆關堂罷市情實可惡查律例內開刁惡頑梗之輩假地方公事強行出頭逼勒貧民約會抗糧聚衆斂財構訟抗官塞署或有冤抑不干上司控告擅自聚衆至四五十人爲首者照光棍例擬斬立決爲從者擬絞監候唐繕等所犯情罪正與此例相符唐繕爲首照光棍例擬斬立決照例刺字爲從之羅懷祖唐玉露王讓年蕭四俱應擬絞監候其郝天正等仍照原擬分別杖責等因具題查例內刁惡頑梗之輩假地方公事強行出頭約會抗糧斂錢構訟抗官塞署擅自聚衆至四五十人爲首者照光棍例擬斬立決爲從者擬絞監候

等語該撫既稱唐繕所犯情事與此例相符應如所題唐繕照光棍  
 為首例擬斬立決羅懷祖唐玉露王讓年蕭四俱照為從例擬絞監  
 候秋後處決再該撫原疏內稱知情不阻之郝天正唐西然杖一百  
 聽從出銀之汪紹芹同行湊錢之唐佩元審不知情不合欠糧詳後  
 始完之唐化舒唐友章王樹采俱照不應重律杖八十各犯所欠錢  
 糧俱已全完在街斂湊錢米為數無幾已經眾人買飯用訖應免追  
 等語均毋庸議未獲之蕭君太等嚴緝獲日另結其此案從前錯擬  
 罪名之承審各官職名應令該撫查叅奉

旨唐繕著即處斬羅懷祖唐玉露王讓年蕭四俱依議絞著監候秋後處  
 決餘改議

抗欠錢糧壘塞縣門

雍正十年四月刑部議覆東撫岳 疏稱齊東縣斥革武生胡溪  
 欠歷年錢糧十四兩四錢經縣勒限拘比胡溪完納無措起意壘門  
 挾制與族弟斥革生員胡倫商議胡倫因亦有未完錢糧聽從寫帖  
 匿揭號召同夥胡溪復令妻弟催糧快手馬煥轉約約正張天舉亦  
 即依允胡溪又素知戶書李廣志侵蝕錢糧亦糾入夥李廣志轉糾  
 鄭之用未允于雍正七年十一月十九日胡溪胡倫進城是夜三更  
 時分胡溪胡倫率同張天舉并舊日雇工李開水齊至縣門將頹墻  
 拆毀以磚壘塞適約正鄭之用聽比而出胡倫拉住迫脅搬磚之用  
 被迫聽從旋即先遁兵書馬召平快手張永受知情不行出首審擬  
 具題除張天舉取供後病故不議外胡溪合依頑梗之輩聚眾聯謀  
 抗官塞署為首者照光棍例擬斬立決馬煥李廣志俱合依光棍為

從例擬絞監候仍俱照例刺字李開水鄭之用照逼勒同行例杖一百馬名平張永受俱照知人謀害他人不卽首告律杖一百已經分別責革毋庸議胡溪所欠錢糧已經完納李廣志侵蝕錢糧應令該撫審明歸結胡倫獲日另結知縣席泰已經稟報將各犯拏獲且無居官不職之處免議監斃絞犯張天舉之歷城縣典史陳必顯罰俸一個月查定例各學教官所屬文武生員有抗糧唆訟不法等事該學教官徇庇不行申報者革職等語應將教諭周藩訓導李澤均革職奉

旨依議

因事聚眾罷市打官

雍正元年十一月刑部議覆據江督查 疏稱緣康熙六十年吳縣秋被旱灾施粥賑饑適劉承裔于十月初八日往鄉相驗因地方韓已不到將韓已懲責二十板及赴粥廠查看見粥煮過多又三名領四人之粥疑有冒濫又責韓已十板致韓已糾集多人偕弟韓滿并曹五周玉等入城分寓在陳茂文張瑞岐家張瑞岐唆衆往縣鬧鬧韓已爲首同弟韓滿齊進縣署拆毀公案暖閣而回途遇劉承裔又將傘轎打碎張瑞岐書寫黃旗令孫在茲散給錢子上吳寧吳仲馬四徐大等擾攘街衢以致罷市歷審各認不諱劉承裔煮粥賑饑雖無侵尅情弊然不善撫馭致民閭鬧殊爲溺職已于本案革職免議將韓已等擬以戍流徒杖援免具題韓已應比照因事聚眾將本官官毆打爲首律僉妻發邊外爲民韓滿曹五周玉俱應比照拆毀申

成案實定

卷十四 軍政

十

激變良民

明亭律各杖一百流三千里雖事在

赦前但韓已身為地保該縣傳喚不到故加責懲乃敢起意聚眾赴縣闕  
關商同曹五等率眾拆毀公堂打碎轎傘等物闕罷市甚屬刁惡  
韓已等均不准援免罷市之孫在茲錢子上吳寧吳仲馬四徐大張  
瑞岐俱應照為從律各杖一百事犯在

恩詔以前均應免罪釋放知縣劉承裔不善撫馭致民闕罷已于本案革

職毋庸議奉

旨依議

百姓聚眾圍署抗官

康熙五十四年八月刑部會看得易商佐陳昇等聚眾阻丈一案據  
湖撫劉 疏稱緣松滋縣地方田賦不均據士民陳昌奕等公呈請  
丈知縣門鎮國通詳丈量惟易商佐悉其丈出欺隱遂倡首造意阻  
丈糾約杜爾康黃聚九易現章于五十三年八月初十日在高家廟  
商議本月二十日又約陳昇陳揆易孔文雷漢可李淮臣馮道生劉  
天祿余亞一脅令鄭茂公黃迪九趙九袍杜爾珍饒克林劉爾祥楊  
爾珍楊大易旦初相隨執旂鳴鑼聚集多人當委守備李國采賚示  
曉諭伊等詐稱縣官不好委荊州府理事同知沈煥前往受其告官  
詞狀各犯又無一詞默然而散嚴審陳昇鄭茂公等俱供造意為首  
係易商佐易商佐等聚眾阻丈應援照黃梅縣奸棍會孫達等聚眾  
罷市之案除為首在逃之易商佐緝獲斬決外將為從之陳昇等發



遣奉天被脅相隨之鄭茂公等各擬杖八十等因具題查曾孫達等罷市聚衆圍署閉城一案經臣部等衙門議覆將爲首之曾孫達擬斬立決爲從之宛觀等僉妻發遣奉天等因題結在案除易現章拒捕身死易旦初自縊身死均不議外爲首之易商佐應照會孫達之案斬決現經脫逃俟獲日另結爲從之陳昇陳揆易孔文雷漢可李淮臣馮廣生劉天祿均應僉妻解部發遣奉天杜爾康黃聚九余亞一獲日亦解部發遣奉天再該撫疏稱知縣門鎮國審無不職之處應復還原職奉

旨依議

官先貪婪致民積忿率衆壘塞署門

雍正十一年八月刑部議覆先據蘓撫喬 審題叅革沛縣主簿程恪貪婪不法致縣民尹宗孔等率衆壘塞署門一案臣部以尹宗孔等向領官斗開行代客量斛有程恪到任射利營私自製大斗七十餘隻租給鎮民市恩各役使衆商皆趨大斗交易以致尹宗孔等失業積憤壘塞衙門尹宗孔等固非安分之人然按其情罪原屬程恪激成與假地方公事抗官塞署之光棍有間今該撫將尹宗孔等照光棍例定擬尚未允協應令該撫再加詳審妥擬具題到日再議等因具題行文去後今據該撫將尹宗孔比照刁徒直入衙門挾制官吏例發邊外爲民楊培德孫士岐張四李見遂照爲從律擬徒竇二趙大李士祿原擬滿杖先經發落等因具題查尹宗孔等身係小民理宜安分卽事有不平亦當赴上司控告乃輒將衙門壘塞若照該

撫所擬未免又失之過輕伏查定例律例無可引用援引別條比附者着將議定罪名于疏內聲明律無正條今擬比照某律某例或加一等或減一等恭候

諭旨遵行等語應將尹宗孔仍照假地方公事抗官塞署擬斬立決例稍從未減改為擬斬監候附和之楊培德孫士岐張四李見遂各減一等僉妻流三千里至配所各責四十板是否允協恭候

欽定遵行逼勒同行之竇二趙大李士祿原擬滿杖已經發落毋庸議程恪私造大斗婪取租價銀五十四兩合依監臨官吏于所部內違禁取利計贓重者依不枉法論五十兩律杖六十徒一年係貪官永不叙用所得斗租照追入官奉

旨尹宗孔仍應斬着監候餘依議


拆毀關蓬照光棍例問擬

雍正八年十二月刑部議覆湖北巡撫魏 題陳宜高等拆毀關蓬一案緣荆關所屬原設有徐關口子因支流雜出奸商易于漏課經前撫臣馬 題准改設于田家洲更名田關搭蓋關蓬收稅掛示曉諭因部文行查田關距徐關里數不符有陝民陳宜高販木到關挾此里數不符哄動衆人聲言此關假設首倡拆毀關蓬竟將告示揭取以致糧倉牙行戴觀侯搶盜九十一包江第元在旁觀看竹木牙行舒林友廖山思等一時附和并灣泊客船共有百餘人將關蓬拆毀旂桿放倒搶失銀錢等物各船旋即越關飛渡遠颺旋即拿獲戴觀侯廖山思舒林友陳退修江第元等其餘客船多人并無姓名今據陳宜高自首到案歷審不諱除陳退修病故不議外該撫既稱陳宜高雖經自首但私越渡關不在自首之律不准減等應如所題陳

宜高比照山陝刁惡之輩假地方公事強行出頭抗官擅自聚眾為首者照光棍例擬斬立決附和之戴覲侯廖山思舒林友均照光棍為從例擬絞監候照例刺字該撫既稱江第元審未動手應照不應重律杖八十發落毋庸議戴覲侯所得盜勛于該犯名下賠償分別完公給主查襄陽道趙之均等奉委確查田關徐關里數並不分晰明白含糊具報布政使徐鼎亦未確查詳覆均屬不合查定例司道造冊不分晰明白者降一級留任等語應將趙之均徐鼎均照例降一級留任趙之均銷去加一級抵降一級徐鼎已經丁憂于補官日降一級留任原任巡撫馬 不加詳查據詳具題亦屬不合應照不行詳查例罰俸六個月于補官日罰俸六個月至田關稅務係巡撫衙門經管拆毀田關之時從前護巡撫布政使徐鼎並不具題殊屬不合查定例刁惡頑梗之輩假地方公事聚眾等項督撫不行題參

者照狗庇例治罪等語應將徐鼎照狗庇例于補官日降三級開卷  
有加一級抵降一級仍降二級用奉

旨陳宜高着卽處斬戴覲侯廖山思舒林友俱依議應絞着監候秋後處決徐鼎着于補官日降三級留任再着銷去一級抵降一級仍于補官日降二級用馬會伯于補官日罰俸六個月餘依議



挾嫌聚眾阻撓公務

雍正七年七月刑部議覆萬安縣禡革武生陳聖達等聚鬧一案據  
署江撫張 疏稱萬邑城內于康熙二十三年間里民共築民舍公  
廳爲里民集議公事之所相沿日久迨後遂被棍徒盤踞科歛包訟  
流弊多年永豐縣知縣范卜年署篆萬邑深知其弊并訪有武劣陳  
聖達在民舍派歛多事差拿審究因此陳聖達躲避嗣經該署縣稟  
明前撫臣布 准將民舍公廳改作公所該署縣擇吉興工修造陳  
聖達乘機商同葉作居封永贊藉詞號召捏稱署縣欲將前後民間  
房屋盡行拆毀遍貼傳單如不到者罰銀拆屋因此愚民見單群聚  
于雍正六年六月十三日陳聖達等率眾蜂擁阻撓勒挾罷市且以  
典史吳肇涵曾經該署縣委封民舍公廳卽將捕署大門打破并令  
葉作居做造紙旂監捕縣前復將素忿之郭乾元等一十六家房屋

器用打毀歷訊供認不諱將陳聖達等擬以斬絞軍杖具題應如該撫所題陳聖達主謀爲首聚衆罷市爲首照光棍爲首例擬斬立決葉作居封永贊均照光棍爲從例擬絞監候秋後處決附和同行之曾志衍袁細虎劉昌海李若榮陳朝瑞郭官尚廖國器俱應照聚衆圍繞房屋棄毀器物律各僉妻發邊衛永遠充軍至配所杖一百折責四十板該撫既稱袁文田劉紹宗劉廷士李性天皆係被勒同行之人俱合依不應重律杖八十各折責三十板已經發落等語應無庸議在逃之劉禾一等緝獲另結奉

旨陳聖達着卽處斬葉作居封永贊俱依擬應絞着監候秋後處決餘依議

藉事鼓衆罷市塞門

雍正元年九月吏部會議覆據閩督滿 疏稱緣永定縣解任知縣潘開基差役廖洛文鄭瑞定做竹絲枕頭一對貢生包綸之子包桂林有枕頭一對廖洛文等說明取送潘開基觀看包桂林同赴領價因發錢稽遲隨與廖洛文角口該縣喚訊因包桂林出言不遜將桂林責懲收禁仍發錢送伊母收訖包綸自外歸家聞伊子責禁徃縣請釋該縣不允包綸隨向張達陳光先商議鼓衆罷市張達卽出錢雇伊弟張光淑并吳得信孔叅若孔德滿等沿街鳴鑼罷市包綸主使吳佩茲張光淑等將照牆撞倒砌塞縣門吳望孔連廖揚海周宗泮邱九苞熊光佑等在街袒言附和包上林同吳佩茲又復設櫃歛錢以資訟費歷審不諱包綸張達陳光先張光淑吳佩茲應照律發邊遠爲民各犯雖事在

赦前但同謀鼓衆罷市塞門可否不准援免聽候部議吳德信孔德滿包上林擬發邊遠爲民吳望等九名擬杖援

赦具題查知縣潘閏基以買枕細事不合將包桂林濫責監禁但該縣果有虐民之處應赴上司控告包綸等輒敢鼓衆罷市而張達等不干已事卽相帮砌塞縣門斂錢資訟均屬可惡不便援免將包綸等俱比照刁徒直入衙門挾制官吏發邊遠爲民律俱各僉妻發邊外爲民附和之吳望等并起釁之包桂林廖洛文鄭瑞俱照不應重律杖八十吳望等事在

恩詔以前均應免罪廖洛文鄭瑞仍革役所得之錢照追入官永定縣解任知縣潘開基照例革職奉

旨依議

毀壞縣丞衙署比律問流

乾隆八年二月刑部咨據福撫劉

咨稱漳浦縣民方盤等拾石

擲毀移駐雲霄縣丞衙署一案緣浦邑雲霄地方有大番山一所爲兵民公葬義塚乾隆六年六月二十六日夜有另案土工蔡和同逸犯柳巡偷挖雲霄營兵丁許使墳塚具控縣丞衙門被獲到案諛縣丞屈冠以掘墳重案例應由縣審招正欲備文移解因發掘墳塚痛恨者多該地方居民同方盤等以祖宗念切於七月初三日羣赴縣丞衙署求其發落路由南關入城緣闔廂路窄人衆擁擠兩旁小店排列零星物件恐被擠翻遺失俱各暫爲收拾訛傳罷市俟方盤等到署正值縣丞出城往查候久不回又聞欲將蔡和解縣隨以縣丞不肯審理一時公憤紛紛圍闔方盤首先拾石擲毀縣丞署瓦鄭長吳澤張蒲黃冒挈同拋擲隨經營員撥兵查拏俱各奔逸當獲方盤

鄭辰二名移解到縣經前漳浦縣朱以誠親往查勘瓦碎是實能市屬虛着令自行修葺并續獲吳澤等先後訊供嗣緣張蒲一犯在監患病身故據該署縣李永書驗報在案查毀損官屋律載加罪二等此係指尋常毀損官屋而言今方盤等因縣丞欲將宅墻之犯照例解歸縣審輒行擲石毀署以爲挾制法難輕縱方盤應比照拆毀申明亭房屋者杖一百流三千里律應杖一百流三千里鄭辰吳澤黃冒均合依爲從律減一等各杖一百徒三年張蒲已經病故應無庸議擲毀署瓦已經該縣丞補葺免其追修至在場觀看多人一時附和圍鬧俱不知名姓應免跟究再查例載軍流徒犯發遣以前告稱祖父母父母老疾無以次成丁者取結准其存留養親又例載軍流徒犯例應留養者除應得杖數外仍將軍流人犯枷號四十日徒罪人犯枷號一個月各等語今吳澤之母陳氏現年七十三歲家無次

丁已據訊明族鄰人等僉供實情吳澤實與留養之例相符應將吳澤照例決杖一百枷號一個月准其存留養親吳澤留養同方盤並無妻室印甘各結一并附送監斃徒犯張蒲職名係漳浦縣典史王三錫理合開報再此案應以乾隆六年十一月初八日獲到吳澤等到案之日起限扣除封印日期計至張蒲于乾隆七年三月二十五日患病前任朱令承審已逾分限一十九日後因張蒲病重不能審解署任李永書于六月十六日到任接審例得扣半加展個半月併解審程限共一十六日計至本年十一月初入日限滿所有已逾分限一十九日前任漳浦縣知縣朱以誠理合開報附參但于賴石案內被殺合併聲明等因前來據此方盤等均應如該撫所擬完結仍令該撫照例于歲底彙題至議處監斃并逾限職名事隸吏部應將原咨移送吏部查議爲此合咨前去查照施行

巡檢錄餘擾民致民拾磚塞署

乾隆六年十二月刑部覆據廣撫王 咨稱原任平遠縣壩頭司巡檢趙斌挾私拏鎗起釁致激吏員余泰爵等堵門列款互控一案緣泰爵之叔余萬振有房屋一所坐落壩頭地方與泰爵毗連而居余泰爵在壩頭新街開張雜貨舖生理迨雍正十三年閏四月十七日新設壩頭司巡檢趙斌到任衙署未建暫借余萬振房屋居住言明衙署建成將屋交還詎趙斌借後即將房屋另開大門余泰爵以有碍祖堂風水往求趙斌拆改趙斌不依致生嫌隙迨衙署造成趙斌移住新署仍將房屋佔作公館余萬振令余泰爵代往向討趙斌不還更加叱罵遂與余泰爵不和乾隆五年正月十五日壩頭五街舖戶祀神擇期開張輪值余泰爵首事先晚僱募吹手施放三眼小鎗適趙斌住在公館知余泰爵係值新街首事趙斌藉稱未經稟明



于十五日早即差弓役韓宜等先拏新街小鎗并要戒責吹手余泰  
爵往求發還小鎗趙斌不允便將四街小鎗差拏收貯以致人心不  
服余泰爵即同平日熟識之林鼎文李永隆前赴公館復行索討并  
有舖民余揚清同至公館聲言趙斌不該拏鎗趙斌堅不肯還余泰  
爵遂取門旁土磚丟放公館門首林鼎文李永隆各亦帶塞半截而  
散嚴訊不諱至余泰爵控告趙斌建造衙署苦累匠役一欵審據匠  
人劉佳漢供稱奉造巡檢衙署一十一間原議價銀一百二十兩蓋  
造完成趙斌復令拆改又勒要多造一十四間令其于原價一百二  
十兩銀內通融計算嗣因工料不敷難以建造趙斌印行比責劉佳  
漢無奈賣女變產賠墊始得造成免比共賠墊銀四十五兩九錢質  
之趙斌亦供認額外多造一十四間雖稱添造小房不甚值錢但額  
外勒迫苦累賠墊亦屬不合又余泰爵控告趙斌佔住民房一欵查

余萬振供稱因趙斌到任未建衙署借伊房屋暫住另開大門有礙  
伊姪余泰爵祖堂風水懇求改造趙斌不允後經衙署建成趙斌仍  
將伊房佔為公館隨令伊姪余泰爵向討不還反遭叱罵以致不和  
等語是此欵趙斌佔住民房屬實又余泰爵控告趙斌擅設木枷一  
欵審據趙斌供稱因伊到任衙門新設恐人玩法會設木枷一面後  
奉飭禁即行折毀並未行用等語此欵趙斌違例私設木枷亦已供  
認不諱又余泰爵控告趙斌擅責船戶一欵查弓役胡盛供稱因船  
戶劉福萬等船號捺損不明趙斌查覺交伊押候隨即責放胡盛索  
得飯食錢八百文今審趙斌堅供實止責打船戶並未得贓入已等  
語此欵趙斌雖無藉事詐贓而妄責船戶失察衙役犯贓咎亦難辭  
以上各欵反覆研訊委無遁情趙斌除不給工價苦累匠役佔住民  
房擅設木枷滋擾船戶失察衙役犯贓各輕罪不議外其挾私拏鎗

致激余泰爵等堵門甚屬溺職應請照溺職例革職已于本案革職  
應毋庸議其苦累匠役劉佳漢改造衙署額外多造一十四間賠墊  
銀四十五兩九錢應于趙斌名下照追給還劉佳漢收領查例載州  
縣內有不安分之衿民動輒聚眾堵砌官衙挾制官長等事如州縣  
官貪贓苛虐激而成變該督撫查明據實題參將州縣革職提問倘  
係刁惡衿民因求謀不遂借端生事糾眾挾制官長審明是實照例  
嚴行治罪又例載刁徒直入衙門挾制官長若係干已事情及有冤  
枉者照常發落不係干已事情別無冤枉者發邊外爲民各等語今  
已革吏員余泰爵因趙斌佔住伊叔余萬振房屋向討不還反被叱  
罵復又挾仇妄擊三眼小鎗致激余泰爵等堵門原係干已事情且  
非官衙衙署與堵砌官衙挾制之例未符但率同林鼎文等在于公  
館門首設關亦屬不法余泰爵應照違

制律杖一百係考職吏員知法犯法應照例加一等杖六十徒一年至配  
所折責二十板俟徒限滿日遞回原籍地方官嚴行管束不許出境  
林鼎文李永隆應照爲從減一等律各杖九十折責三十五板余揚  
清訊未動手但附和爭嚷亦屬不合依不應重律杖八十折責三  
十板弓役胡盛勒索船戶劉福萬等飯食錢共八百文合依在官人  
役取受有事人財以枉法計贓科罪一兩以下杖七十律無祿人減  
一等杖六十折責二十板革役所得贓錢照追入官杖罪各犯照例  
先行分別折責發落革役弓役韓宣林昇係奉趙斌差拏各街小鎗  
訊無索詐情弊與供明之保甲劉眷佑吳允元房主余萬振被害匠  
人劉佳漢埠長吳逢利均經省釋船戶劉福萬吳珍興邱發勝吳元  
浩已據埠長供明先經駕船外出生理免其提訊趙斌私設木枷已  
經拆毀佔住余萬振房屋飭行文回各街所放三眼鎗並非違禁應

令給還等因咨達前來趙斌等均應如該撫所議完結並知照吏部可也

散堂照光棍例治罪

雍正七年七月刑部議覆署東撫費 題觀城縣胥役散堂堵門一案緣雍正六年正月十五日眾役祭祀城隍禮畢飲酢以本官性暴難侍又因宅門張洪勒索規禮新正派散鞋襪交相指謫刑書王大棟因將林琳案卷遺失本官欲行夾責心中畏懼遂醉後倡言不如二十三日點卯散堂眾雖共聞咸莫之應迨二十三日該縣徐自新點卯之後繼以比較責治甚嚴二十六日復比槽糧各差因先有不完處死之語時惟糧差韓付起一人聽比心懼朴責忽憶王大棟散堂之言即在大門外喊叫號召隨有快頭王顯祿聞聲而應拉同皂頭趙守成捕役劉得祿一時偕行已故戶房王冊亦約同吏房張桂兵房李魁壯頭郭山各散至三教堂內王大棟先于二十四日起府造冊並未同散禮房徐兆祥刑房趙和眾工房王玠俱越日赴衙庫

吏王璉東房翟恒糧房趙永祚各不在散堂之內其餘書役亦各畏  
避不出至堵門一節不惟各犯僉供門樓殘壞塌下磚土卽張洪亦  
供稱並無堵門之事查王大棟雖首先倡說初無蓄意約行及後又  
未與衆同散罪難擬首韓付起臨時號召係實在爲首之人合依光  
棍例擬斬立決王顯祿合依光棍爲從例擬絞監候秋後處決王大  
棟造意不行應照律杖流僉妻發遣其逼勒附從之張柱李魁榮趙  
守成劉得祿郭山徐兆祥趙和衆王玠各照例杖責王璉張洪翟恒  
岳士純汪三郭以成俱應杖責時逢熟審各減等分別革役先行發  
落奉

旨韓付起着卽處斬王顯祿依擬應絞着監候秋後處決餘依議

納卷爭錢恃醉闖堂挾嫌阻考乘機各散

雍正九年十一月刑部會看得陽春縣已革生員李國璧等毆役開  
堂及武董汪武偉等混攻冒籍罷考一案據廣德縣 疏稱緣雍正  
八年四月二十九日陽春縣奉行考試生員李國璧偕弟李國璉李  
國銓并代李芝英投卷之李天貴先于二十八日携錢至縣禮房投  
卷內有爛錢禮書梁燕棟換李國璧不允兩相爭執李國璧醉後猖  
狂將手拍案擊破盛水茶鍾致傷手指忿打梁燕復詐稱梁燕咬傷  
伊手喊赴縣堂稟官李國璉李國銓李天貴亦各附和同至縣堂該  
縣王博學出堂查訊驗非咬傷時遇考期縣堂觀者人多擁擠嘈雜  
該縣隨將梁燕責打因時值熱審復令皂隸少責四板李國璧以皂  
隸少責四板奪板強欲足責二十嚷鬧不止當經陽春縣教諭陳世  
蓮前任古良司巡檢李喬荼聞知勸散李國璧出過武舉李維新詢

知其事當夜即帶李國壁赴縣請罪迨二十九日經縣考試有縣役  
歐全祖籍新會入籍陽春年久其子歐光啟歐光瑞例得與考詎有  
武童汪武偉因從前曾與歐光啟弟兄同窓學習相爭坐位挾嫌不  
睦隨以光啟弟兄二人冒籍於縣堂倡首攻擊隨有李伯超柯相亭  
從而附和攻打歐光啟走避該縣以考試人多難以排解諭令差役  
將歐光啟歐光瑞押出儀門不許與考而汪武偉李伯超柯相亭仍  
復趕毆推動蔣開泰試桌蔣開泰亦即幫同毆打歐光啟負傷倒地  
汪武偉等恐歐光啟身死被拿即擁開儀門而出在場各童隨亦散  
去未考該縣王博厚另示期于五月初一日考試各童遵即赴考完  
竣歷審不諱汪武偉實因一時混攻冒籍起見迨後傷人懼罪推門  
走避不料眾童相率散去是情跡雖同罷考尚非有意首先號召但  
當試期乃敢橫行不法李伯超柯相亭聞汪武偉攻打冒籍輒附和

趕毆擁出儀門並非汪武偉逼勒所致李國壁擅入衙門屢使爛錢  
酗酒狂毆嚷鬧公堂目無官長將汪武偉等擬以絞流徒杖等因具  
題應如該撫所題汪武偉應比照福建罷考為從例擬絞監候秋後  
處決李伯超柯相亭合依照充徒無故將人混行毆打例均徒三年  
至配所杖一百折責四十板俟徒限滿日回籍該地方官嚴行管束  
已革生員李國壁合依生員有事不干已輒便出入衙門肆行無禮  
為首問遣之例僉妻流三千里至配所杖一百折責四十板該撫既  
稱蔣開泰因推動試桌挾忿幫毆依充徒為從例杖一百遇熱審減  
一等杖九十李國璉李國銓李天貴審無共毆縣書情事但同至公  
堂並不勸阻合依不應重律杖八十遇熱審減一等各杖七十李國  
璉之父李慶珍李國銓之父李慶琪柯相亭之父柯大樑蔣開泰之  
父蔣崇凱平日不行約束其子亦難辭咎均合依不應重律杖八十

遇熟審減一等杖七十蔣崇凱係捐貢照有力收贖禮房梁燕雖無  
勒索但該犯充吏之先已經在房辦事三載合依違

制例杖一百遇熟審減一等杖九十俱照例先行分別折責發落等語應  
無庸議蔣崇凱應照例收贖李國璉李國銓蔣開泰俱照例永遠不  
許考試梁燕仍革役追照銷燬該撫又稱汪武偉李伯超柯相亭之  
廩保梁斗星蔣開泰之廩保呂珠李國璉等之廩保伍銓係汪武偉  
等各自寫伊名至縣試取錄後方請梁星斗等保結梁星斗等實各  
不知均應免議汪武偉李伯超之父已經病故李國璧汪武偉李伯  
超柯相亭蔣開泰俱未從師李國璉李國銓即從李國璧為師李國  
璧已於本案從重審擬李國璧尚未有五生互結無憑同坐等語均  
無庸議該撫又稱陽春縣教諭兼攝訓導事陳世蓮已將李國璧詳  
明並無徇庇應免查叅等語應無庸議奉

旨汪武偉依擬應絞着監候秋後處決餘依議

欲求補撥擠壞柵欄

乾隆二年閏九月刑部議覆莆田縣童生郭曾等觀看撥府童案依  
求補撥喧嚷入署擁壞學棧柵欄儀門一案據福督郝 疏稱緣乾  
隆元年三月內學臣周學健至興化府歲試均經考畢撥府學童案  
進取二十名內招覆莆邑童生十一名仙邑童生九名斯時看案人  
眾莆童忽稱仙遊撥入府學過多一時喧嘩各童欲求學臣檢查前  
案補撥數名擁進轅門擠壞柵欄及儀門木板壓倒架上執事擁入  
大堂擠壞搬往校場應用椅桌當經提調官知府蘇本潔會同前任  
勳協副將王英親身彈壓當場拏獲郭曾盧濂林泌等羈禁復獲宋  
致遠林爵邱昆林川發縣弔訊宋致遠供係監生恃符不依咨斥追  
照在案訊據郭曾盧濂林泌認係童生堅稱彼時看案人眾見仙游  
撥入府學過多意欲稟求檢查往例補撥一時喧擁並無倡率爲首

之人至搬往校場公案擁毀之處因學臣次日會閱武童外場而曾  
考工房往搭蓬厥回至學轅搬取椅桌適棍童擁鬧致將應用椅桌  
並皆擠壞弔訊工房林榮供吐鑿鑿似屬實情將郭會等擬以流徒  
杖罪具題應如該督所題郭會應照拆毀申明亭律杖一百流三千  
里盧濂林泌宋致遠均應照爲從減一等律各杖一百徒三年因賣  
圖章擠入之林遲經過觀望喧嚷民人林爵邱昆林川均照不應重  
律各杖八十但查郭會等俱事在乾隆二年四月十六日

赦前均應援免再該督疏稱所有擠到儀門柵欄什物飭縣估價着落  
會盧濂林泌林遲名下照數賠修等語應令該督飭向各犯名下  
修奉

旨依議

藉試嚴差

乾隆三年六月刑部咨覆據署廣撫王 咨稱海康縣申詳童生謝  
秉敬毆打差役陳隆斥生林子魁等毀門闕堂出揭罷考一案緣乾  
隆二年四月初五日該縣考試合縣童生先于初三日赴縣投卷適  
縣役陳隆回縣稟詔因人擁擠嚷叫讓路出言傷衆謝秉敬首以肩  
撞陳隆與之爭論謝秉敬復掌批陳隆腮腴扭住陳隆衣衫諸童及  
林子魁謝謙因陳隆出言無理齊聲嚷罵陳隆畏懼用力掙脫衣被  
扯碎奔往宅門謝秉敬追及被陳隆扭進宅門將門關閉諸童尾至  
共相敲擊林子魁等往視見宅門一扇倒裂在地遂有童生十餘名  
拉同入署求處陳隆誣縣張元彪訊無實據未責林子魁等大聲稟  
求張元彪又因陳隆面帶有傷不行責處諸童以該縣庇護陳隆卽  
稱斯文掃地并稱求府不提當於考後貼字通知赴上控究復邀林



子魁謝謙同往求府途遇貢生黃而華林子魁等告知前情并邀黃而華同行稟府該府隨發提陳隆訊責諭令各童赴縣投卷應試生童遂各散去嗣因張元彪聞通知上控之語遂以劣衿藉考毀門闥堂出揭罷考等語查開貢生黃而華捐納事由生員林子魁謝謙各入學年分詳請分別咨革寃擬茲審訊謝秉敬等將陳隆出言狂肆以致毆罵扭衣追赶入署大聲求處各情供認不諱至該縣所詳毀門一節據訊林子魁等堅供諸童擁擠伊等並未近前止聞敲門聲响迨後趨看宅門已倒裂在地即訊之陳隆亦供不知是誰打毀或是人多擠倒跌爛等語是宅門雖經倒裂但出之諸童之手一時不知姓名似難懸坐再該縣所詳咆哮無狀一節據訊林子魁等堅供當日入署求處陳隆未免聲音較大並無咆哮據訊陳隆供吐如一

是林子魁等雖大聲求寃終難指為咆哮實據再該縣所詳林子魁等計議煽惑誘貼街衢一節據訊林子魁等堅供並無其事止見當日有不識姓名諸童妄稱縣官不處陳隆若求府亦不提責俟試里貼字通知往上控寃後蒙行提責處並未見貼有字跡等語訊之陳隆所聞無異是諸童所欲貼者不過通知傳單非若告言人罪之帖且又不知此言出自何人似難株求再該縣所詳黃而華等號召童生二百餘人赴府公然要挾且云不處陳隆便欲罷考一節據訊黃而華等堅供當日赴府求處陳隆止有童生十餘人即該府審看亦稱當日實無二百餘童之眾亦無不處陳隆便欲罷考之語則黃而華等似無藉眾要挾情弊查陳隆出言冒犯諸生肇釁出已乃牽扯並不在場之黃而華妄稱挾嫌主使謝秉敬首先毆打陳隆林子魁謝謙黃而華事非切已聽諸童邀約疊稟求處陳隆均屬不合陳隆謝秉敬林子魁謝謙黃而華均照不應重律杖八十折責三十板各

犯事在乾隆二年四月十六日

赦前均應援免陳隆仍革役林子魁謝謙黃而華罪止重杖例應收贖且已援免前革衣頂應均請開復李芳櫛吳天成訊屬無干應無庸議其當日敲打宅門邀同林子魁等向縣府求處陳隆之諸童均不知姓名且事在

赦前請免深究陳隆面頰之傷久經平復扯碎衣衫亦已補還均無庸議再該縣張元彪所詳林子魁等毀門闕堂出揭號召各款俱各事出有因並非無故混詳應請免議等因咨達前來謝秉敬等應如該署撫所議援免完結陳隆仍革役至海康縣知縣張元彪職名應否免議事隸吏部林子魁謝謙黃而華前革衣頂應否開復之處該署撫既經咨明吏禮二部國子監相應行文吏部禮部國子監查核并知照該署可也咨前去查照施行

衛丁不願充當水手聚眾罷市

雍正四年四月刑部議覆江督查題孝陵衛丁翟生等因奉查什軍學習撐駕糧船選擇軍丁子弟充當水手有季太等俱係竄丁聞軍例不駕運聽信訛傳群慮不識撐駕難充水手聚眾倡議鳴鑼罷市一案因律無正條援康熙四十九年間刑部覆湖督郭既稱武昌縣刁棍胡文昌等結黨脅官一案綠楊瑞生于四十七年五月內米價騰貴遂同余壽兒等赴縣求糶倉書楊乃若等稟縣不發瑞生糾約胡文昌等沿街鳴鑼擁擠縣堂群赴楊乃若家毀碎門壁糾眾罷市等情將胡文昌等擬以流杖援免具題大部以刁棍結黨脅官毀門罷市兇惡已極已故為首之楊瑞生應立斬胡文昌等應炤為從例不往援免各僉妻解部發奉天等因具題奉

旨依議在案援照刁棍胡文昌等結黨脅官之例均以安插奉天等因具題

除爲首應擬斬決之季太爲從之徹先俱已病故不議外爲從之丁耀生周亂子等聽信訛傳聚衆罷市阻人進城勒閉舖面此等刁風漸不可長且丁耀生等均係軍戶不便照胡文昌等之例安插奉天應將丁耀生等比照克徒聚衆律各僉妻發邊徼永遠充軍至配所責四十板奉

旨依議

旂丁打毀米廠擁鬧公堂

雍正五年正月刑部會議覆惡棍閻尚義等打毀米廠擁鬧公堂一案准

欽差禮部侍郎塞 等審擬斬決絞杖具題查粵東去歲薄收今春青黃不接米價日增撫臣設法贖買米穀于省城設廠平糶米價得藉平減乃粵省米價向由米欄舖戶喝定低昂在口利歸掌握又省城內外開米欄者係旂丁居半見平糶官米不能高擡其價潛佈訛言憑空刻期開散米廠而駐防之旂丁標兵旣因身食錢糧不得赴廠買米兼旂丁之開米欄者非伊友朋卽其姻婭思欲爲之洩忿致相煽動遂不可遏更有無賴游民素與旂丁往來隨聲附和濟惡生事是日打毀米廠之後並不解散竟敢膽赴將軍衙門力求主持及閻尚義等傳有將軍令到巡撫衙門之語衆人卽到巡撫衙門吵鬧則其

為旂丁標兵之預先造謀臨時鼓衆顯然可見今據旂兵閻尚義供稱因平糶有碍米欄不得長價身食錢糧不得赴廠買米心中不平等語再據將軍標兵王有成亦供我係兵丁買不得官米心中不平又聽得開米欄人有要打散米廠等語至起意打廠拍手名衆并傳有將軍吩咐令往巡撫衙門俱各自認不諱即據民人陳顯聰等所供亦無不昭合其起釁于米欄訛言釀成于旂丁標兵决裂于將軍李扶並不彈壓致其有恃無恐鼓衆橫行擁開巡撫衙門起事根由歷歷如繪除在轅吵鬧之陶允茂病故不議外查定例刁惡頑梗之輩假地方公事聚衆歛謀抗官塞署為首者照光棍例擬斬立决為從者照光棍為從例擬絞監候秋後處决逼勒同行之人俱杖一百等語應將糾合多兇打毀米廠擁開巡撫衙門之閻尚義王有成陳顯聰及干巡撫公堂持槍扎傷守備之譚英奇均照光棍為首例擬

斬立决跟隨打開巡撫衙門之梁亞德湯亞四區亞帶區亞錦劉國正俱照為從例擬絞監候秋後處决逼勒同行之鄔老三劉老六高文光金亞雲梁志明雷亞穩高亞閏俱杖一百折責四十板鄔老三係旂人應鞭一百各犯供扳之張亞肥朱老六長脚李區亞蛇譚蒂寵柵門外拿獲之梁春興審係無干均無庸議再該侍郎疏稱原任廣州將軍李扶世受

國恩身膺封疆重任不思協和兵民綏靖地方該管旂營兵丁平日既已漫無約束及至阻撓平糶恣行非法打毀米廠旂丁閻尚義等不惟不畏將軍聞知反率衆奔訴將軍衙門力求主持將軍李扶不行懲治反加好語令其前往巡撫衙門以致兵棍無忌擁開公堂槍傷守備蔑法橫行幾司化外迨撫臣拏獲各犯李扶恐有旂兵在內復向巡撫求情釋放是誠何心明係曲護兵丁縱容擾亂地方全不以

封疆爲念其情罪斷難寬恕等語李杖應照將帥知軍人掠擄之情故縱者與犯人同罪至死減一等律治罪但李杖平日不行約束兵丁又縱令打毀米廠吵鬧巡撫公堂不加懲治復向巡撫求情縱容曲護擾亂地方情由甚屬可惡將李杖擬斬監候秋後處決再據疏稱左翼副都統吳汝澤右翼副都統吳成龍雖無護庇縱容情由但約束不嚴之咎亦屬難辭至閩尚義之該管官鑲黃旂協領馬攀龍叅領王成防禦趙京良驍騎校王義領催張漢傑李芳林王有成之該管官將軍標前營遊擊于文輝守備馬忠良千總何有勝不能鈐束兵丁生事擾民均有不合撫標中軍遊擊今陞督標叅將范宗堯有巡邏守護之責目覩兇棍擁鬧公堂並不奮力擒拿私徃將軍衙門希圖借端規避更屬溺職均應交與該部議處再查副都統吳汝澤因母親在署病故居喪並未理事防禦趙京良因瘋癱患病已經

題叅合併聲明等語除防禦趙京良已經患病題叅勒令休致無庸議外副都統吳汝澤雖係親母病故居喪並未理事但平日不能約束以致旂兵譟鬧各實難辭定例標兵譟變該提鎮各降二級調用該管各官革職等語應將副都統吳汝澤吳成龍比照此例各降二級調用吳成龍有加二級應銷去加二級抵降二級免其調用協領馬攀龍叅領王成驍騎校王義遊擊于文輝守備馬忠良千總何有勝均照例革職叅將范宗堯應照溺職例革職領催張漢傑李芳林應革退領催照本官頭目鈐束不嚴律杖八十係旂人鞭八十再民人陳顯聰區亞錦梁亞德譚英奇湯亞四區亞帶等擅自聚衆打毀米廠吵鬧公堂皆該管地方文職及同城專汛武弁平時不能撫恤臨事不能彈壓以致糾衆妄行文武各官均難辭失察之咎應行文該撫將該管地方及同城專汛文武各職名一并查叅再查劉國正

一犯疏內並未聲明是旂是民亦令該撫查明或係旂人或係民人報部查核併將劉國正之該管官職名一併查叅奉

旨閻尚義王有成陳顯聰譚英奇俱着卽處斬梁亞德湯亞四區亞帶區亞錦劉國正俱依擬應絞李杖依擬應斬俱着監候秋後處決吳成龍着銷去加二級抵降二級免其調用吳汝澤因居母喪未曾理事着降一級從寬留任餘依議此內旂人鄔老三張漢傑李芳林鞭責完日着解送進京再廣東習氣甚屬不堪交與將軍石禮哈巡撫楊文乾將彼處官員兵丁詳加察勦如有似此不守本分妄行者俱着送進京師照伊等原舊職事在旂下當差行走

副將撫馭無方以致營兵繳甲

雍正六年十二月刑部議覆江督范 疏稱叅革漕標中軍副將興王政待兵刻薄衆兵素多怨望于散餉之期諭令備弁查驗器械若不整齊留餉製備以致劉朝倡稱兵不給糧不如繳用而姜雄等隨同闕開沿街索繳王廷彥等亦附和同行將盛甲繳于山陽縣堂共計八十三副又將營書蕭樑領旂蔣守仁兩家家伙籬笆打毀劉朝又率衆駕舟前往清江告狀途遇道府各官諭阻回城茲訊劉朝等倡衆闕開索甲代繳率衆告狀情由俱直認不諱興王政亦自認于放餉時諭令備弁查驗各兵器械留餉置辦是寔又詰以降革任性拔補不公坐視衆兵喧鬧閉門不出與王政亦俯首無辭將劉朝等分別斬絞軍徒等罪具題除陳建芳高騰龍于取供後在監病故蔣守仁取保病故均不議外倡衆繳甲之劉朝應照兵丁擅自聚譁者

將倡首兵丁正法例擬斬立決隨行闕開之姜雄陳鵬萬劉定邦張大經張鎬周大德俱照光棍爲從例擬絞監候照例刺字與王政係鑲黃旗漢軍應照守禦官撫馭無方律杖一百追奪

誥勅發邊遠充軍順從與王政留餉不給及兵丁闕開並不拏究聽其繳甲出城之守備王嚴龍應照縱放軍人歇役一名杖八十每三名加一等罪止杖一百充軍律發附近充軍至配所責四十板附和同行之王廷彥曹子榮等十七人應照康熙十一年臣部議覆川湖總督蔡題都司賈一經案内兵丁胡尚武附和之例徒三年至配所各責四十板不行稟阻之營書蕭樑應照爲從律減與王政罪一等徒三年至配所責四十板自行繳甲之顏國寧王福興等十一人俱應照軍人歇役律杖八十已經發落革除名糧毋庸議其黃升張德六十六人之甲雖或稱勒繳或稱出外但盈甲現繳在官亦

充伍應一併除革名糧押回本籍令地方官嚴加管束不許生事倘再有過犯加倍懲治桂斌趙文彬等審係拔補不公應卽革退許天祿鄭士榮等審係無干應免議監斃絞犯陳建芳高騰龍之山陽縣典史宋璘照例罰俸三個月奉

旨與王政着發往黑龍江當苦差餘依議

地方官任聽營兵交甲

雍正五年七月刑部議覆江督范 題泰漕標中軍副將與王政激  
動兵丁以致聚眾嚷鬧離伍交甲大千軍紀山陽縣知縣羅佩專任  
地方之責于眾兵嚷鬧在堂交甲之時坐視玩忽相應一併指參等  
因除泰革副將與王政吏部行文江督范 作速審擬具題外查羅  
佩身為地方官乃將兵丁不法之事視為膜外且任其交甲收貯縣  
堂似此姑容長奸甚屬可惡應將羅佩照縱放軍人歇役杖一百律  
僉妻發附近充軍至配所折責四十板奉

旨依議

營兵辭根事出有因且官不准退卽行解散亦屬畏法違律

塞門經喝而散未便以光棍定擬

乾隆七年 月刑部會議得寧夏鎮標玉泉營兵丁陳法順糾眾辭  
糧砌壘衙署一案據陝督尹 疏稱緣遊擊李繼善差馱醫趙大用  
赴廠牧馬趙大用不小心收放調回欲行責處趙大用畏刑投渠身  
死詎同營兵丁陳法順聞知因思李繼善平日派差苦累屢被責打  
執意糾眾辭糧希圖挾制與同營兵丁周登科商允隨又先後逼勒  
同營兵丁陳虎等同行陳法順令周登科寫具辭狀先赴守備衙門  
稟辭不准又復齊至遊擊大堂跪辭李繼善不准將原狀發還而出  
值陳法順之父陳常同輩五前至探聽相遇陳法順告以得罪本官  
必遭其禍陳法順聞言一時情急卽在衙前大肆咆哮打逼民人陳  
文徐元孫紹功羅金印並董五各在衙署門首捺擲土塊以辱本官



顏面時陳虎賈如德曹中杰舒進先已歸家周登科宋興包天民張和范宗如尚在衙門東首大街聚談聞聲趨至即行喝止當經把總景呈慶查拏陳法順等奔逸研訊不諱將陳法順依兵丁生事擾民合夥挾制官司擾害地方照光棍爲首例擬以斬決周登科照爲從例擬絞監候逼勒同行之兵丁陳虎等擬杖等因其題查陳法順因本營遊擊李繼善私行差派屢次責打復見獸醫趙大用畏刑投渠身死乃商同同營兵丁呈請辭糧及至大堂跪稟之時一經發還原狀該犯等旋即解散是陳法順之辭糧尚屬有因且已解散猶知畏法繼因伊父陳常以不准辭糧惹下主將你有活不成之語乃逼令民人孫紹功等在署外撩碎土塊似此辱官逞忿洵屬不法自應從重定擬以儆刁頑但未壘塞署門一經出拏旋即奔遁與無故挾制官司擾害地方之元徒並照光棍例斬決似又未協至周登科一犯

初雖聽約書寫辭狀迨投遞不准即隨衆默退及陳法順再至署門喝令民人撩擲土塊此時周登科並無在場助力及聞聲趨至且有喝阻情事是其情節尤輕今因欲將陳法順擬以光棍立決遽將周登科以爲從擬絞更爲未協應令該督詳審妥擬具題到日再議可也奉

旨部駁甚是依議


兵丁聚眾喧嚷

乾隆七年 月刑部會議覆涼州鎮標兵丁蔣榮等聚集喧嚷一案  
據陝督尹 將蔣榮照例擬斬立決劉德照例擬絞監候藍佩擬軍  
許富榮擬杖等因具題前來查例內刁惡之輩強行出頭聚眾抗官  
為首者照光棍例擬斬立決為從擬絞監候等語今蔣榮為首糾眾  
挾制官司劉德助惡行兇毆打千總藍佩隨同勒借銀兩均干法紀  
應如該督所題蔣榮照光棍為首例擬斬立決劉德照為從例擬絞  
監候秋後處決藍佩照假以建言為由挾制官司例僉妻發附近充  
軍至配所杖一百該督既稱許富榮既不稟官又不攔阻應照不應  
重律杖八十先行發落仍革除名糧再查借支乾隆四年分屯糧小  
麥莞豆共三千八十二石一斗零因乾隆五年武邑夏禾被旱緩徵  
未還前借銀兩除該營陸續繳還外尚該未還銀二千五百五十九

兩應俟繳完清項至該營目下鉛藥銀內吊借新兵添買糧石銀二千八百一十七兩五錢已經發管扣還原項等語均應如該督所擬完結其前項已扣還銀兩并未還銀糧應令該督報明該部查核再該督既稱甘屬每年額徵糧石係聽從民便麥豆青稞兼收撥估各營兵丁於季首搭支原無純支一色及預給全支之例並非遲延至生息銀兩惟防兵紅白之事賞給從無槩給之例其營詳王守曾遲悞勒措以雜糧抵塞等情均係事後卸還應無庸議等語應無庸議其捏詳之涼州鎮標中營遊擊王新瑞已於另案革職無庸議再守備張德千總馬騰霄雷亨把總吳秉聰張知斗外委把總劉銳馮兆年尤威該督雖稱均屬因公出境但各該備弁等平時約束不嚴之咎實所難辭且各員公出曾否派員署理營務疏內並未聲明應令該督查明到日再議外查該鎮總兵並各該管各官既不能約束復

不能彈壓均有干嚴例應將前署涼州總兵之副將李述泌遊擊王新瑞外委宋如琳王復興牛文斗均照例降二級調用李述泌應銷去加一級軍功紀錄二次免其降調王新瑞已於另案革職應將降二級之處註冊外外委宋如琳王復興牛文斗無級可降應照例革該督所稱左營守備張佩甫經題補尚未受劄左營把總牛興奉派專管神機庫硝磺合井聲明等語查左營守備張佩雖未受劄但業經任事亦有約束兵丁之責不便以未經受劄即免處分應將左營守備張佩照例降二級調用應銷去加一級軍功紀錄二次抵降二級免其降調至左營把總牛興已經拔補千總雖奉派專管神機庫硝磺但是否即在于本城之處疏內並未聲明應令該督查明到日再議可也奉

旨蔣榮著即處斬劉德依擬應絞著監候秋後處決餘依議



因爭坟未遂同謀勝族豎旂出境

雍正七年三月刑部會看得連州已革劣生黃翰臣等脅族豎旂出境一案據廣撫孔 疏稱緣黃翰臣謀佔風水遂指吳光述等祖墳為鄧公神墓與黃上權黃待聘黃明威率領族人同往吳姓祖墳祭奠吳光述等面斥而散黃翰臣回家遂令黃明威傳帖通知族衆各帶鋤鋤統衆前往吳姓祖墳將左右新穴挖至見棺而止吳光述等控縣經知州朱振基勘審將墳斷回吳姓而黃翰臣復與黃明威黃上權黃待聘謀捏憑據黃明威即僱石匠於虞舜祠石碑上添鐫鄧公墳塋墓在朶嶺數字即刷碑赴府告准批州查報黃翰臣等復不到案值吳光焰吳光燦路經黃翰臣門首黃翰臣捏其通欠社穀將吳光焰毆傷吳光燦赴州控告驗傷該州票差賴高劉華協同地保黃睿宗拘黃翰臣候審拘至村外黃明威即呼黃上權黃待聘喝令

族衆趕出村外將黃翰臣搶回復行奪票黃翰臣自知罪惡難逃與黃明威等商謀脅族豎旂往楚挾制州官又令黃明威寫逃避往楚詞帖粘貼遊擊衙門又大書黃族冤民避暴投仁八字威逼族衆同行并佈流言如不同行卽革出祖祠拆毀房屋以致該族男婦三百二十餘人于雍正五年十一月初九日晚及初十日早同行流往楚境當經連州文武飛移攔阻備文通報經臨武縣文武于十六日差兵役押回安插據該知州朱振基拿獲黃待聘黃上權其黃翰臣黃明威潛至肇慶府經臣訪聞拿獲研訊各犯供認不諱將黃翰臣等依光棍例定擬斬絞等因具題除黃明威取供後在番禺縣監病故不議外應如該撫所題黃翰臣合依光棍爲首例擬斬立決黃上權黃待聘合依光棍爲從例擬絞監候秋後處決該撫旣稱同行挖墳鑄碑搶犯不識姓名之人以及被脅往楚之黃萬上等老幼男婦三

百二十名口概免深究等語應無庸議至朶墳仍歸吳姓管業且該撫疏稱連州知州朱振基審無枉斷情事應無庸議至黃翰臣等脅族出境不行攔阻之武職專汛係連陽營右哨千總古元兼轄係連陽營住劄廣州府連州城遊擊趙國志文職專管係陽山縣朱岡司巡檢王大成連州知州朱振基但事起之時俱經飛移隣境阻拿并具文通報應否免議聽候部奪等語查例載專汛武職將刁惡聚衆之人不行擒拿及該地方官文職不能彈壓撫恤以致百姓糾衆妄行者俱照溺職例革職兼轄之副叅遊等官狗庇不卽申報者照狗庇例處分等語應將不行攔阻之專汛千總古元專管朱岡司巡檢王大成均照溺職例革職兼轄遊擊趙國志連州知州朱振基該撫旣稱飛移隣境阻拿具文通報相應免議又該撫疏稱監斃黃明威管獄職名係署番禺縣典史事鹿步司巡檢金家琦相應附叅等語

應將監斃斬犯黃明威之管獄官金家琦照例於現任內罰俸一個  
月奉

旨黃翰臣着卽處斬黃上權黃待聘俱依擬應絞着監候秋後處決餘依  
議




營兵國庫典史

雍正八年四月刑部議覆蘇撫尹 疏稱鎮洋縣城守營汛兵陸國  
柱于雍正六年九月二十五日將病死之牛剝賣適該典史王後祚  
奉委巡查見有牛肉卽令皂隸周才拏獲國柱其時國柱慮革兵糧  
並未說出營兵致典史將陸國柱并匿報之地方沈利當街各責旋  
有同營兵丁王應祿心懷不平教令陸國柱以剝賣倒馬典史衙役  
認爲牛肉索要規禮聳官查責各兵不服呈繳盔甲器械等語捏稟  
該管把總鄭金卽以甲械現堆在署扶同捏報遊擊張大福不察卽  
差兵褚朝周叙明等往縣提幽衙皂周才訊問該縣尚未發交王應  
祿探知本官差兵赴縣于二十七日邀同陸國柱并營兵黃廷柱杭  
文煥程有功齊往縣署欲與典史炒鬧適王後祚進縣王應祿卽于  
頭門外將衙役周才指交褚朝等鎖去王後祚詢問情由王應祿卽

將王後祚拉出轎外拳打腮朕臂膊并扯毀衣服陸國祚等附和行  
兇將王後祚坐轎毀裂該縣查拏始散據縣營通詳經臣題恭將張  
大福鄧金革職審擬在案茲提犯研審俱名供認不諱按擬具題除  
尤棍為首應擬斬決之王應祿在鎮洋縣監病故不議外陸國柱黃  
廷桂杭文煥陳有功均應依尤棍為從例擬絞監候各刺字不嚴束  
兵丁輕信捏誣之鄭金合依撫馭無方律應僉妻發邊遠充軍至配  
所責四十板該撫既稱近擊張大福不察寔情據把總捏稟通詳殊  
屬溺職已經叅革應無庸議褚朝周叙明奉差往喚周才不候縣發  
私行鎖鍊合依不應重杖已經責革典史王後祚巡查地方是其專  
責皂隸周才並未紊要規例俱無庸議沈和墜報私宰先經典史責  
懲應免重科仍革役等語均無庸議毀碎典史之衣服坐轎若落陸  
國柱等賠償監斃王應祿之鎮洋縣典史王後祚照例罰俸一兩乃

奉

旨依議



兵姪窩賭典史捉拏營丁聚眾打官開署

雍正八年六月刑部會議覆湖督邁 題竹山管兵丁李希聖等毆辱典史徐士煥一案查李希聖之姪李文選窩留營兵徐士琦劉光兆并客民段大福康枝在家抹牌適典史徐士煥帶領家人張升跟役王世龍曹正禮巡夜拏獲紙牌銅錢劉光兆與張升迎毆徐士琦等乘空潛逃李希聖聞鬧出視輒拉典史入室揚言打劫曹正禮以所執竹板打傷希聖腦後希聖聲喊劉光兆遂棄張升奪取竹板亦被正禮打破其頭希聖令光兆與塔陳耀禁住典史時把總楊士虎聞信趨至始令各散典史奔訴守備安明而回次早李希聖又糾同陳耀劉光兆帶領婦女齊赴典史衙門吵嚷典史避入縣署陳耀將堂門摘下令李希聖睡臥希聖之妻熊氏劉光兆之妻林氏入內各扯典史之妻胡氏令出驗傷以致衣破遺失銀簪二枝典史子女亦



被推打宅門公案俱被扳翻胡氏亦避入縣署直至把總楊士虎到來始散李希聖縱姪窩賭典史捕拏肆行毆禁次日又帶婦女闖入衙署毀掀堂宅克惡已極應如該督所題李希聖合依食糧兵丁生事擾民及合夥挾制官司者照光棍為首例擬斬立決劉光兆陳耀俱應照光棍為從例擬絞監候仍照例刺字至容留劉光兆等在家賭博之李文選合依初犯開場存留賭博例杖八十徒二年徐士琦合依賭博例枷號兩個月責四十板熊氏林氏聽夫縱令毆辱職官妻室子女罪有應得但婦人犯罪罪坐夫男今二婦本夫俱擬死罪應免重科其同城不行約束之守備安明把總楊士虎已經革職免其置議等語均毋庸議至典史之妻所失銀簪等物俱于熊氏名下追賄再該督疏稱同賄之段大福康枝并賣牌之朱會顯係陝西人應俟關提到日另結又稱此案該縣管止報府協將李希聖責結

案並不通詳所有鈐束不嚴之竹山營遊擊方元相應附參等語除遊擊方元已經奉

旨革職毋庸議外查定例營兵生事合夥多人挾制官司擾害地方該營武職各官不嚴行稽查者專汛官革職兼轄統轄官降四級調用提鎮不行題參降一級調用等語應將容隱不行通報之原任鄖陽協副將今調督標中軍副將徐啟新降四級調用至竹山縣知縣劉必窩已調羅田縣容隱不行通詳僅報知府該管之鄖陽府降調知府王瀚亦未轉報應照地方聚眾雖報司府未報督撫之例降一級調用劉弘窩有加級准其抵銷王瀚于補官日再降一級用總督邁不早為查出題參應照不行詳查例罰俸一個月今據自行查出應否寬免恭候

欽定提督例有處分仍令該督查叅到日再議奉

土民聚眾

雍正 年 月刑部會議覆署偏撫趙

題永順土民聚眾控

告革職同知潘果酷刑重耗等款一案應如該撫等所題設謀倡首  
 之田爾根合依刁惡頑梗之輩假地方公事聚眾聯謀抗官塞署聚  
 眾至四五十人照光棍為首例擬斬立決激變土民聚眾之潘果應  
 照引惹邊釁例發邊衛永遠充軍潘果係宜章縣知縣經巡撫王國  
 棟保舉陞補同知應加倍治罪擬絞監候秋後處決附和捉拏衙役  
 枷鎖之秦廷聯等均應照聚眾將公差毆打擲縛者不分首從例僉  
 妻發邊外為民同行軟血之魏先修等均應照異姓人軟血訂盟為  
 從例僉妻流三千里至配所杖一百折責四十板附和未行潛入容  
 美土司之彭弼耀等應照沿邊人等躲避差役逃入土夷洞寨潛住  
 律僉妻發邊衛永遠充軍被勒同行之李本淮等俱應照逼勒同行

例杖一百折責四十板詐向成道銀一兩之衙役朱兆正照詐欺官私取財者計贓准竊盜論免刺一兩以下律杖六十折責二十板詐向玉銀二兩之差役丁順索各旂土司民銀五兩八錢之戶書廖世伯俱應照在官人役取受有事人財以枉法論計贓科罪一兩至五兩杖八十無祿人減一等律各杖七十折責二十五板調戲陳二把之劉鳳應照不應重律杖八十仍照例犯該杖一百以下加徒一年至配所折責發落該撫等既稱聽從扶同妄供之向乃明等俱照不應重律杖八十折責三十板先行發落其歛錢携引王文忠等赴省具呈之陳子恭等爲田爾根等書符之鍾章供出雙玄兒等既稱移咨湖廣總督緝拏另結潘果短給吹手輪傘等夫工銀朱兆正所得贓銀照追入官分別給領再該撫疏稱斬絞之田爾根等一應案口父母兄弟子姪久居永順若發六百里外土司地方安插恐其不無

別生事端應發六百里外之營縣安插等語應令該撫將伊等家口父母兄弟子姪查發報部又疏稱許有聞係解審中途病故管獄官職名無庸開叅辰州府知府袁承寵駐劄鎮竿辰沅靖道王柔與潘果雖不同城而相近永順任聽潘果滋擾激變土人始行揭報應將揭叅遲延之辰州府知府袁承寵辰沅靖道王柔湖南按察司郭朝祚原任布政司趙城原任巡撫王 總督邁 各職名列叅貼防永順提標右營遊擊馬騰蛟把總胡文元係同城武職不能即時擒拏例應叅處但該遊擊當經由報提臣岳超龍已經摺奏應否議處統聽部議揀選不當之撫臣王 已經自行檢舉再臣趙 原任湖南按察司任內于揀選之時亦曾會詳并請嚴加議處等因查定例官員貪劣雖有風聞正在訪察而督臣先已察出若卽行具揭者文武官員照失察例議處失察例內屬員劣跡昭著不同城知府失於查

察者降一級留任司道罰俸一年又定例內督撫將官員保舉不實者降二級調用申詳之司道降三級調用等語除揭叅遲延之按察司郭朝祚原任布政司趙城巡撫王俱經別案革職毋庸議外應將遲延之辰州府知府已調永順府知府袁承寵照例于現任內降一級留任辰沅靖道王柔照例罰俸一年查王柔有紀錄十次應銷去紀錄二次免其罰俸總督邁不早行查出題叅亦屬不合應照不行詳查例罰俸六個月有紀錄二次應銷去紀錄一次免其罰俸揀選不當之巡撫王照例降二級調用已經別案革職其降級之處仍行註冊申詳之按察司趙已陞本省巡撫照例于原任內降三級調用又定例刀惡聚眾至四五十人同城武職不能擒拏者革職等語查貼防之永順遊擊馬騰蛟把總胡文元係同城尚汛武職該遊擊馬騰蛟雖經申報並不擒拿均照例革職其該管各上司

卽行申報題叅例有處分應令該督查叅到日再議奉

旨

